

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

15

MAY 11 1951

ET 9117 / 1142 (15)

渡邊家文庫

漢書

集別集類

四七七〇號

二四冊

函架

渡邊千春遺愛書



帶經堂集卷五十八 歙門人程哲校編

新城王士禎貽上

蠶尾續詩四 雍益集

丙子春奉 命祭告西嶽西鎮江瀆出都却

寄李容齋相國陳說巖司徒彭羨門少宰

四首

早歷卬嶮萬里程那知垂老又西征六飛正決平

戎策 時駕將出塞 九折寧辭叱馭行華嶽終南春浩蕩錦

江玉壘氣崢嶸山靈處處曾相識只怪秋霜兩鬢

生

年年待漏集修門滴盡銅壺笑語溫  
 韋曲西來春盜盜嘉陵南去雨昏昏  
 蜀箋細字題清怨巴曲哀音愴旅魂  
 折得花枝相憶否梁州回首夢慈恩  
 十年兩度展明禋江海空餘汗漫身  
 春老鶻啼催入蜀年衰鶴病悔遊秦  
 琴臺再訪當壚子簾肆重過賣卜人  
 興盡蕭然問歸艇碧雞坊外府江津

李長

吉詩鶴病  
悔遊秦

年來有味是三乘著紫伽梨苦未能  
 此日只如行脚去歸來應似罷參僧  
 百城煙水雲隨屨方丈跏趺雪暗燈  
 五月岷江新漲闊朝辭白帝暮江陵

### 過琉璃河

琉璃河上駐征驂柳綻輕冰未蘸藍  
 三十六陂春水岸可憐渾不似江南

白河店謁椒山先生祠

墓在店北二里  
去麒麟冢不遠

孤城初日上驅馬白河濱祠宇瞻喬木  
 清流擷渚蘋觸邪真獬廌守家是麒麟  
 烈祖旌忠日光

輝四十春

順治十五年  
文曰旌忠錄頌

詔刺忠愍二疏  
賜廷臣今三十八年矣

御製序

新樂縣驛亭有感往事

古驛鮮虞國寒蕪新市城鶯花殊寂寞  
 野水自縱橫衣帶日以緩浮生還自驚  
 敗垣蒼蘚合何處認

二七十八  
題名

藺相如墓

智勇存危趙相如第一人特書王擊缶間道璧亡  
秦故國山河改孤墳草木春魯連終蹈海千古共  
悲辛

真定題臨濟廢寺

欲問西來意因叅臨濟師主賓誰辨取棒喝任交  
馳野鶻巢危塔行蝸上斷碑何因一莖草寶界現  
琉璃

早發獲鹿縣

小邑淨如拭煙嵐朝打圍忽忘行役遠只似故山  
歸瀑水侵官路清流浣客衣溪邊鳧鴈喜拍拍泛  
晴暉

自獲鹿至井陘道中雜咏四首

纔過鹿泉上呀然開土門崩崖一綫路喬木幾家  
村障日山多暝浮嵐晝易昏聞雞已亭午身在武  
陵源

少日紛多慨龍門太史書劫殘秦復趙齒冷耳兼  
餘豈謂無雙士而師李左車到頭鐘室恨功狗竟  
何如

三子九十三  
三  
治水三冬煖西來燕尾斜似聞藏礮石小住問丹  
砂急瀨喧危徇疎林卧斷槎魚牀將蟹罍隨處可  
移家

斷岸雷方殷奔瀧雪又飛魚驚如避筍鷗下未忘  
機贛石何遷次瞿塘定是非倦遊三萬里誰為寄

當歸

子壬子入蜀甲子入粵及茲丙子  
再使秦隴及蜀凡行三萬餘里矣

### 次井陘縣

千嶂通關路雙溪遶縣門亂流爭浦激水碓聒朝  
昏夕照魚蝦市寒煙桑柘村當年穆天子雨雪獵  
高原

### 故關

絕塞依天險雄關鎖地維石橫千仞壁松偃萬年  
枝盡日無飛鳥經春卧老羆見北史槐花秋雨裏重憶

舊題詩

壬子秋過此有句云西風忽  
送蕭蕭雨滿路槐花出故關

### 度故關感懷亡友葉文敏公

壬子秋于此  
賦二詩寄葉

拄笏迎朝爽看山拂帽帚

舊詩云冒雨  
看山拂帽帚

風生土囊口日

射太行雲往事浮煙散心知落葉分何時玉峰下  
宿草酌孤墳

### 平定西道中即事

伏流處處瀉驚湍赭石荒岡眼倦看何似小園松

竹下玉螭乘月吐清寒

祁縣訪戴楓仲見其子永豐令記知以壬申

歲逝矣輓之一首

麓臺山畔已深春侯甲河邊起暮塵耆舊百年誰  
碩果江湖萬里慣勞薪謂也楓丹笠澤思漁父草綠  
昭餘酌故人一笑猗歌揮手去嗟來桑戶返于真

予昔為楓仲作丹楓閣長句引張志和夢楓樹生腹為比又為賦天馬鼎多父敦二歌

韓侯嶺題壁

烏喙那堪共良弓久自藏一軍驚大將千古痛真  
王勢已歸諸呂何勞守四方世家誰載筆讀史淚

霑裳

趙城道中懷門人黃自先張漢瞻周策銘殷

彥來蔣靜山諸子兼寄幔亭弟

白首京華七見秋田園蕪沒未歸休陽關又盡一  
杯酒蜀道重尋萬里遊遙憶美人隔湘水頗哀老  
子困壺頭苦思下澤車中語慚愧平生馬少游

洪洞縣謁韓忠定公祠

弘恭已自收蕭傅夏憚翻能殺呂強枉使空同奮  
刀筆子規不勸李東陽

過臯陶廟偶感范滂事題壁

汝南范孟博高義薄雲霄未遂澄清志先逢黨錮  
朝大名齊李杜幽憤祭臯陶南北甘陵部千秋恨  
不消

平陽懷古戲作

漢宮貴主顏如花何異婁豬求艾豕漢家將帥亦  
無種昔為騎從今同車鄭季長孺是何物一朝門  
戶生光華生兒願得如衛霍悔不給事平陽家

猗氏縣衛爾錫中丞見過賦贈

鴨綠江頭絕鯉魚令狐城畔攬君祛聲名京兆三  
王後衛先為京兆尹涕淚中山滿篋書都護夜郎餘部曲神

除人姑射本清虛從今晏坐消殘劫一室何妨自埽

郭有道墓

介休縣二首

大槐坂上逐車塵爭效先生折角巾至竟清流解  
亡國望門投止是何人

謁文忠烈公祠

精神如破貝州時晚節猶能動四夷天遣不同韓  
富沒姓名留冠黨人碑

風陵渡河抵潼關

行盡并汾路前旌欲度關亂帆河曲水隔岸號州



二五七七  
商顏  
山地險煙嵐合時清虎豹閑永懷黃綺侶白首卧

訪山史讀易廬時久客淮南未歸

多年華下遂君初廿載重過訪舊廬滿徑苔痕侵  
竹石當牕嶽色淨琴書山中宰相人誰識江左夷  
吾我不如爲報倦遊歸及早淮南無此好家居

華山雜詩七首

玉泉院

目玩玉泉流靜悟先天易多事墜驢時強與人間  
事

山蓀亭

結茅孤石稜玉泉下奔注亭空泉尚流上有無憂  
樹

希夷峽

洞門峽半開鐵鎖垂千丈俗駕自然迴何地容種  
放

娑羅坪

小憩娑羅坪手撫娑羅樹仰見上方雲時向人間  
去

毛女洞

毛女負琴去  
倏然松杪飛  
青冥風露冷  
髣髴見天衣

白鹿龕

雲中跨白鹿  
心知魯女生  
乞我一丸藥  
相將遊玉清

青柯坪

窈窕青柯館  
正在西峰罅  
二十八潭懸  
飛瀑從天下

青柯坪迴喜吳天章至自朝邑

昨過風陵渡  
思君役夢魂  
暮雲低華嶽  
春水下龍

門轉徙猶三輔  
艱難共一樽  
何時逢玉女  
同到洗頭盆

謁郭忠武王祠

華州二首

便橋蕃部擁風雷  
單騎纔臨鐵騎摧  
回紇萬人齊下拜  
傳呼天上令公來

謁寇忠愍公祠

柘枝舞罷蠟成堆  
千束吳綾夜宴開  
不是魏三詩句好  
誰知無地起樓臺

新豐

漢代粉榆社  
遺墟極望平  
空提三尺劍  
忍啜一杯

三  
夔  
言卷四  
八  
羹細雨新豐樹寒蕪小苑城惟餘舞陽廟漠漠土花生

驪山溫泉

曾過繡嶺弔開元廿載華清役夢魂老大不關興廢感重來只似洗腸源

秦始皇冢

下錮三泉銀作池一朝禍發牧羊兒誰知地底連機弩不射周章百萬師

石甕寺

在驪山東繡嶺

當年石甕寺曾對集靈臺青雀無迴信黃虵是禍

胎

杜詩化作長黃虵謂祿山也

朝雲何日散山月至今來坐久流仙

梵松聲薄暮哀

灞橋

自古銷魂地茫茫喚奈何行人灞陵渡疎雨櫟陽過楊柳籠煙薄桃花夾岸多邯鄲東北望流恨滿

雲和

即漢文帝令慎夫人鼓瑟處

灞橋柳

灞橋楊柳碧毵毵曾送征人去漢南今日攀條憔悴絕樹猶如此我何堪

城南遊詩十首

曲江

賜沐逢修禊宜春歲歲遊傳呼夾城仗早御望仙樓捧劍金人曲凌波綵鷁舟新蒲將細柳蕭瑟至今愁

慈恩寺

昨日櫻桃宴今朝鴈塔行紅綾新賜餅淡墨舊題名柳汁年年綠桑田歲歲更殘僧空劫後相對話無生

薦福寺

即聖容院今名小鴈塔

院從唐代建人以寂音傳

洪覺範嘗居此

水鳥皆聞法雲山

不離禪花邊停浴鼓竹外起茶煙即此忘言說虛空借坐眠

韋曲

皇子陂邊路風光韋曲多曾鄰天尺五最近第三坡芳草新年色桑條舊日歌傷春更懷古容易醉顏酡

杜曲

春衣杜陵宿窈窕一川花舊是岐公宅人傳故相家名園三品石貴主五雲車今日穠華歇棠梨噪暮鴉

牛頭寺

牛頭鐘梵罷露坐俯樊川  
明月生秦嶺清光滿稻  
田微風喧吠蛤野燒起  
山煙歸卧禪燈寂心空  
古佛前

少陵原工部祠

少陵原下路髣髴浣花村  
猶似開元日終南對國  
門秦川空望眼湘水與  
招魂忍見桃花落紅英  
糝綠樽

樊川桃花

三月樊川路紅桃散綺霞  
終南青送黛滴水碧穿

沙草色羈腰合渠流燕尾  
又銷魂過杜曲一樹最

天斜

杜曲南鴻固原下  
緋桃一株方盛開

鄭莊

杜陵客西蜀常憶鄭瓜州  
望古尋遺跡逢人問故  
侯有才三絕擅無恙八  
川流近交相望韓莊近  
同悲貉一丘

秦愍王墓

陳王鬪雞道今日望陵園  
石馬前朝賜銅人漢代  
原幽蘭悲帝子芳草怨  
王孫猶有藍田燕年年  
入墓門

杜曲西南弔牧之冢

兩枝仙桂氣凌雲落魄江湖杜司入勲今日終南山色裏小桃花下一孤墳

咸陽懷古

燕丹報秦仇其志良已大志士不謀身豈必論成敗一哭馬生角天意若有在交龍為扶輦機橋詎能害奈何衍水匿骨肉割深愛帝醉顧飛廉四海遂橫潰徒惜劍術疎千秋發長喟

茂陵懷古

頻年祠太乙晚歲罷輪臺維氏仙何往瑤池信不

迴紅顏鈎弋盡白首子卿哀失勢秋風客昆明又劫灰

李夫人冢

在茂陵西北數步

長門買賦草萋萋冤魄雲陽杜宇啼惟有佳人解傾國莢陵長傍茂陵西

楊妃冢

怨粉愁香委路岐祇留羅襪使人悲梨園教就霓裳譜不似三鄉陌上時

扶風縣早發

車馬扶風道春光冷似秋雲峰會岐下雨脚插梁

州寥落鶯花日蒼茫汧渭流前程兼隴蜀萍跡信悠悠

馬融絳帳村

絳帳風流蹟尚傳不聞長笛但荒煙李公已為飛章死何用區區妒鄭玄

岐山謁周公廟

廟中有潤德泉

元聖祠堂在娑羅覆殿陰

砌旁二娑羅樹最古

岐周遺俗古碑

碣歲時深故國千秋祀豳風七月心靈泉聽不盡三歎有餘音

秦穆公墓

雨霽陳倉曉日紅杖藜來訪橐泉宮千年斷碣荒煙裏一片殘春秀麥中黃鳥哀時良士盡碧雞飛去霸圖空子車遺冢猶鄰近長與坑儒恨不窮

雨中武貞菴督學招集東湖

行人衣上雨來自杜陽川湖似郎官好名因學士傳

有坡公祠

游儵爭唼水垂柳欲生煙重過荷香裏還

勞運酒船

元次山詩不能廢人運酒舫

再集東湖拜東坡先生祠

復有東湖約來當春暮時涼風散高柳微雨灑清池自識龜魚樂何殊濠濮思仙翁去千載髣髴下

雲旗

汧陽縣

晚上汧陽閣遠山橫翠眉

韋莊汧陽詩遠山如畫翠眉橫

川長連隴首

城古枕隴糜太尉千秋笏

段公秀實汧人

韋郎七字詩不勝

懷古意羌笛暮休吹

登隴二首

隴頭有流水嗚咽至今寒只自流離下那知道路

難秦川已迴望齊瑟向誰彈東道三千里無因託

羽翰

登隴人回首臨關馬顧羣

唐人句

遠遊今到此出塞古

常聞不見梅花使惟看隴水分故園渺東海愁絕  
萬重雲

隴州縣頭鎮古吳山縣也有元縣令丁帶十

詩愛其似姚合武功雜咏恐其湮沒表出

之

瀟灑吳山縣丁十詩皆以此句為起猶傳仙令辭那知煙草裏復

見武功詩過客詢殘堞田家補廢籬當年杜元凱

峴首亦沈碑

登吳嶽

名嶽標西極金天作鎮雄東看連太白北望盡回



鴻濛  
中日出橫秦時煙消指漢宮  
導岍思禹績此地鑿

吳山瀑布泉二首

沂山新望秩曉色五峰晴  
初日林端豁飛泉樹杪  
行尋源經絕壑臨水濯塵纓  
寂坐丹厓裏身疑在  
碧城

望輦峰前路陰厓樵牧稀  
千尋雙瀑下十笏萬山  
圍水石含秋色雲霞變夕霏  
靈湫有神物金碧射  
人衣

祀雞臺

寶雞縣  
三首

東周久已換西秦  
陳寶何須辨偽真  
猶有漢家使  
持節益州遠祀碧雞神

鳳女臺

弄玉空祠鎖寂寥  
碧雲天際水迢迢  
丹青不畫乘  
鸞女夜夜月明聞洞簫

賣酒樓

東坡  
有詩

昨向宜春下苑遊  
曲江煙景似悲秋  
珠簾甲帳皆  
黃土何必陳倉賣酒樓

寶雞縣南入棧感成

碧油幢引向西川  
取次重過二十年  
鐔壘又經新

三五  
戰伐

奮威將軍  
破賊于此

關河不改舊風煙  
陳倉五夜荒雞早錦

水三春旅夢懸  
長白山前一茅屋  
何時送老白雲邊

棧道雨

漠漠天將雨  
沈沈日又西  
林間畫眉鳥  
更作盡情啼

鳳縣西溪金絲柳二首

宋苑金絲柳  
傳來自鳳州  
經時未憔悴  
煙態拂人頭

絲拂金明水  
根移太乙宮  
東京夢華後  
何似此山

中

紫栢山下謁留侯祠

相傳是辟穀處并  
祀黃石公赤松子

萬木蕭蕭風  
晝吹深山忽  
見留侯祠  
清流白石閱  
今古雪栢霜  
筠無歲時  
辟穀真從  
赤松隱授  
書偶作帝王  
師也知烏喙  
逃勾踐未  
屑鴟夷學  
子皮

聞紫栢山絕頂有峩眉老衲獨坐丈室數十

年蛇虎皆馴伏今九十有六矣惜不得其

名字乃作頌古十絕句屬鳳令寄之丙子

歲四月七日棧中留壩驛燈下成

維摩詰

師利多言說淨名殊默然語言文字外已示祖師  
禪

須菩提

善哉須菩提巖間惟晏坐般若是誰聞諸天雨花  
墮

惠持

樹中入定僧千年人不識如何去陳留一往無消  
息

息

道超

我愛道超師絕俗耽憩寂退院闌無人蟋蟀鳴秋

僻

寒山

寒山牛跡話此意誰酬酢趙州小廝兒宛有大人  
作

作

懶殘

煨火傍羣牛謫來幾千歲懶殘亦俗人誰能為拭  
涕

涕

地藏琛禪師

栽田博飯喫獨振玄沙道一笑視諸方說禪方浩  
浩

浩

法昌遇禪師

法昌亦開爐單丁唯一箇賴有十八賢絨口圍爐坐

黃龍晦堂禪師

山谷大辯才妙義皆糠粃滿院木犀香吾無隱乎爾

褒禪山僧

見冷齋夜話

枕石漱溪流夢見歐陽子覺來萬壑風松聲滿人耳

汎漢江

廣川微雨過疊鼓發中流白獺啣魚上青峰捲幔收江童竹枝曲漢女木蘭舟歸路重城晚紅燈滿市樓

大安驛雷雨

客行當四月驟雨過三泉出地雄雷奮穿雲急瀑懸飛龍氏舊國白馬戍西偏潭毒關前壘英風尚

颯然

潭毒關宋劉子羽退敵處

百牢關

全秦雄百二南盡百牢關人雜氏羌俗天連彭濮山漢臣傳諭蜀唐計失征蠻歷歷前朝事孤雲落

照間

嘉陵江上憶家

自入秦關歲月遲  
棧雲隴樹苦相思  
嘉陵驛路三千里  
處處春山叫畫眉

龍門閣

潛水入嘉陵江處即龍洞背亦名葱嶺

四圍碧玉色  
峻增著箇行  
纏盞飯僧松  
末風來龍背  
冷坐看潛水入嘉陵

籌筆驛

朝天峽上

當年神筆走羣靈  
千載風雲護驛亭  
今日重過弔

陳跡祇餘愁外舊山青

意中流水遠愁外舊山青石曼卿題籌筆驛句也

飛仙閣

山行喜乘流  
江平况如練  
峯嶸有開闔  
竹樹一葱

蒨人言利州風  
今朝冷然善灘  
如塗毒鼓舟  
劇離

弦箭仰眺飛仙閣  
鳥道危一線  
彎環歷三朝  
向背

窮九面絳雲卷  
輕綃白日遞  
隱見嘉陵碧玉色  
晴

雨皆婉變想見吳道玄  
應詔大同殿  
此生兩經行

天遣追勝踐醉帽  
停鳥奴已泊益昌縣

蜀諺云利州風雅州雨

飛仙閣口號

丹頂朱砂玉雪翎  
朝遊沙苑暮青城  
前身恐是雲

中鶴曾喚仙人徐佐卿

汎嘉陵江至益昌今昭化縣懷何易于

益昌古利州由來五達衢白水合嘉陵山谷相盤  
紆我有汎舟役萬里經川塗望古懷清芬所思何  
易于刺史乘春下畫鷁盛嬉娛前舟載賓客後舟  
羅笙竽索民為挽舟牽綽須百夫縣令腰笏前挽  
舟自先驅刺史驚問狀縣令乃前趨方春耕且蠶  
民力方勤劬令適暇無事可以充卒徒刺史聞之  
慙上馬如亡逋仁人重一言能使民力蘇考獻徵  
樵文撫之載唐書累百守令中尚有斯人無作詩  
告有位磬石鑱山隅

晚至昭化縣題孔令見野亭

葭萌朝挂席弭櫂欲三更月上嘉陵水山圍漢壽  
城主人具雞黍邀客啟柴荆修竹吾廬似因之故  
國情

登牛頭山

連峰去不窮萬壘塞寒空向下惟看鳥憑虛但御  
風身投巴徼外目極雪山東五畝湖邊宅何年著  
退翁

牛頭山

其上天一握其下潭萬丈峨峨牛頭山排空削千

嶂盤盤石磴危鈎梯絕依傍路與風雲通人出飛  
鳥上全蜀萬山圍四顧迷背向歸雲盪胸來浩呼  
洶濤浪有如泛香海一葦凌滉漾夔夔爭逢迎鬼  
神獻情狀咫尺即岷峨此亦堪輩行

入劍門

銅鶴香浮玉座温七年講幄奉明恩此身未

了詩中畫細雨騎驢又劍門

放翁詩細雨騎驢入劍門

劍門關

鎖鑰川東北雄圖自鼈靈一關橫碧落雙劍插青  
冥驟雨蛟龍逼驚風草木腥無才繼張李不敢勒

新銘

劍州夢蔣虎臣先生

壬子秋入蜀先生在峨眉山是冬示寂伏虎寺

巴蜀重來雪鬢增夢餘古佛歎嘉陵手中踣跳紅  
藤杖劫外逍遙白足僧七祖門庭叅北秀百城煙  
水訪南能兜羅綿界如相待同踏峨眉絕澗冰

郎當驛雨中二首

金雞賜帳事披猖河朔從茲不屬唐却使青驪行  
萬里三郎當日太郎當

武連縣南雲氣遮郎當驛北石槎柯西風盡日濛  
濛雨開徧空山白芟花

三五十八  
長卿山 相傳相如讀書處明皇賜今名

漾舟潼水碧潺湲一抹青峰想玉顏留得文君好  
眉黛薄雲初散長卿山

晚渡涪江

涪江江水抱山流不見唐家帝子樓記取江東詩  
句好澹煙喬木是綿州

縣州漁父村相傳是涪翁故居

越王樓閣已成空州府荒涼苦竹藂猶有煙波漁  
父里芙蓉溪上弔涪翁

鹿

抱郭涪江碧玉流一川豐草鹿呦呦倦遊忽憶楊  
岐語祇有渠儂得自由

猿

蜀道山猿樹樹懸栗皴開處一林煙六牕不遣獼  
猴靜漫說愁猿學四禪

羅江驛夜雨

故縣也今省入德陽城北有潺湲亭

前旌已拂鹿頭關風雨勾留不肯閑何處行人最  
愁絕潺湲亭下水潺湲

落鳳坡弔龐士元二首

白馬關前夜雨涼斷碑空在漢祠荒一羣鸚鵡林



三九十一  
間語似憶當年孤鳳皇  
沔上風流萬古存魚梁洲畔向江村何如但作鴻  
冥好采藥相攜去鹿門

午日張成都譚敘州王遵義三太守招集浣  
花草堂

故人相見錦官城五月黃梅雨乍晴真向西川觀  
競渡國師休叱野狐精

戲用南陽忠國師事

謁漢丞相忠武侯祠

碧雞坊外路丞相古祠堂井絡猶天漢穹碑自盛

唐

裴碑柳書

當年紛野祭異代肅丞嘗慘澹風雲會悲

歌激大荒

昭覺寺贈佛寃禪師

禪窟偶經行逢師萬慮輕大都明祖意何必太僧  
生掌內摩尼影堂頭毒鼓聲灼然賓主句無復下  
牀迎

題淨居寺清風亭

修篁江寺古荷芰水亭幽欲悟無生忍寧從半字  
求菩提本無樹般若亦非舟只自忘言好虛空笑  
點頭

淨居寺謁宋文憲公祠

在文殊院

三十四  
一  
一代高文奉至尊那知投老葬蠻村祇應迴向文  
殊境共證毘耶不二門

成都懷古四首  
亦非自忘言  
長卿但好色慢世亦何有奈何滌器處風流映身  
後快意駟馬歸王孫獻牛酒

揚雄墨池

子雲拒富人風義凜當世何物國師兒乃許問奇  
字墨池久荒涼四賦空巨麗

嚴君平卜肆

君平神仙流賣卜亦偶爾蕭然日下簾心契希夷  
旨我讀指歸論悵望成都市

李衛公籌邊樓

武侯籌筆驛衛公籌邊樓兩賢不並世風烈俱千  
秋功高竟不賞海外志窮愁

漢州西湖

當年房次律此地鑿西湖百頃煙波渺中流島嶼  
孤琴亭何寂寞片石亦榛蕪欲問邢和璞三生事

有無

放翁房相西湖詩遶城鑿池一百頃  
島嶼屈曲三四里房公石尚存州解

漢州紀夢

照壁孤檠不自聊，隔牕寒雨打紅蕉。  
驚回一枕鄉園夢，身在西川金雁橋。

雨下牛頭山二絕句

冒雨下牛頭，眼落蒼茫裏。  
一半白雲流，半是嘉陵水。

衆山遶嘉陵，白雲如玉城。  
江山不相負，幸自可憐生。

千佛巖

江作大圓鏡，山爲寶樓閣。  
莫遣丹霞聞，木石總燒却。

利州皇澤寺則天后像二首像是一比丘尼

鏡殿春深往事空，嘉陵禍水恨難窮。  
曾聞奪堦瑤

光寺持較金輪恐未工

洛陽伽藍記瑤光寺尼工奪堦

瓦官寺裏定香熏，詞客曾勞記錦裙。  
今日蘭橈碧

潭上玉溪空，自怨行雲

李義山利州江潭詩欲就行雲散錦遙自注感孕金輪處

五粒金牛峽滴水巖

峽口羣峰似鐵圍，半空晴雨落霏霏。  
陰谿樹合疑

無路鬼蝶如輪自在飛

峽中多蝶視常蝶大倍之

定軍山謁忠武侯祠

朝登武侯坪，遙酌丞相墓。  
渺渺漢川流，羣山莽迴

互背臨巴蜀道前指梁洋路髣髴漢官儀再拜冬  
青樹

黃沙驛

稻畦方罫一渠通雨足村村樂事同白水滿塘秧  
正綠吳牛閑卧柳絲風

界牌關道中

修竹覆竒壁飛泉來半空人行翠微裏風度紫蘭  
藪暫喜俗塵遠休嗟吾道窮誰為洪谷子移向畫  
圖中

四過東湖題宛在亭

小鴨唼喋萍葉亂三枝五枝菡萏開魯連陂上花  
千頃黃帽刺船歸去來

重題茂陵

絡繹甘泉豹尾催君王夜幸栢梁臺當時譎諫稱  
方朔也嬖長陵宛若來

謁段忠烈公祠

昭應離宮盡廢丘司農祠廟儼千秋流芳遺臭知  
何限火迫當年笑鄭侯

早發臨潼

輦道虛無裏孤城翠靄間西南迴望處滿眼是驪

山

華州西溪

往來宮柳路纔訪鄭南坻水木清華色雲峰澹宕  
姿江心伏毒寺花外拾遺祠有子美祠不見松譚閣松  
風日暮吹郭脩伯宗昌松談閣在溪上今廢

汜園弔郭脩伯二首

脩伯園中置一舫居之名齋舫

白厓湖水碧浮天亂石嵯峨凌紫煙十里芙蓉衆  
香國此中曾泊孝廉船  
大華小華皆削成東溪西溪夾鏡明仙人鶴背忽  
飛去天風下來聞玉笙

鼎湖原二首

軒轅鑄鼎此荆山弓墮龍髯不可攀多事橋陵一  
抔土伴他鴻冢在人間  
素女為師態萬方如聞天老教軒皇馬肝已諱文  
成死又見神君祀栢梁

盤豆驛

依然盤豆對藜蘆回望關門岳勢孤思子臺邊一  
懷古不知身過玉孃湖

湖城二首

今閩鄉

泉鳩里畔動悲風回首秦山隔萬重仙意已窮巫

蠱起茂陵遺恨犬臺宮  
趙鹵誰教近至尊漢庭不照覆盆冤如何病已爲  
天子惡謚重蒙又戾園

稠桑驛

感張淑人陳孺人而作

春蘭秋菊不同芳舊恨新愁爾許長應是三生緣  
未了又呼妙子到稠桑

舊函谷關

靈寶

白馬東來開象教青牛西去入流沙至今冠蓋東  
西客起候雞鳴到日斜  
老子故宅

北邙東望冢纍纍上有玄元古廟基莫以荒唐笑  
仙李漢家先奉濯龍祠

次陝州

首春發京國秋氣忽蕭蕭路入三川險人歸萬里  
遙黃河流底柱白日下中條河上傳經叟仙蹤不  
可招

甘棠

今陝州

弭節甘棠日未晡玉釵金縷散青蕪殺陵此去多  
風雨不用尊前唱鷓鴣

許渾有甘棠聞唱鷓鴣辭詩

甘棠驛

北寺南牙劇戰爭可憐甘露怨誰明甘棠驛外東  
流水嗚咽年年寒玉聲

事見甘棠  
靈會錄

### 魏野草堂

陝郊棲隱處寥落對雲山無復花藏縣曾聞菊遶  
灣

二句用  
野詩

偶敲紗帽出時跨白驢還尚憶汾陰祀流

風杳莫攀

### 雨度硤石

函關東望勢嵯峨北顧洪濤俯大河自昔雲山三  
晉壯至今風雨二嶠多國殤白骨埋幽草山鬼清  
秋帶女蘿想像秦聲思蹇叔夏臯陵下一悲歌

### 會盟臺二首

澠池

秦聲趙瑟會西河御史前書較孰多臨訣數言關  
大計論功終欲首廉頗

不辭頸血濺秦王進缶當筵氣慨慷十五名城酬  
趙璧何如談笑請咸陽

### 新函谷關

新安

建瓴形勢壓河潼六國逡巡百二雄楊僕移來定  
何事妬他昭屈在關中

### 洛陽

國本爭來黨錮連楚歌楚舞亦堪憐如何鴻鵠高

飛去又見蒼鵝出地年

望龍門香山寺懷白傅

神女浦前眉月上窈娘堤畔臉波橫輸他六十河

南尹五度香山雪後行

白詩五望  
香山雪

渡洛水

脉脉中流望盈盈羅襪塵西園魏公子南浦洛川  
神蘅薄芳猶在楊林意未申凌波何處問秋水正  
魚鱗

洛神

凌波羅襪欲生塵賦裏驚鴻態尚新不信三臺燈

火夜針神真比洛川神

洛川南望

碧嵩清洛洗愁顏伊闕中分兩髻鬟煖翠浮嵐看  
不盡維山南是伏牛山

白馬寺

伽藍半化洛陽塵漢代鴻臚跡尚新太息他年窮  
楚獄仁祠空解祀金人

王輔嗣冢

鍾會齊名果是非白楊孤冢夕煙微如何一夕談  
名理不救河橋誤陸機



維氏縣

今偃師

白茅授印事何如底許孫卿更上書  
桂觀蜚廉人力竭祇緣仙子好樓居

望維山廟

王子乘鸞鶴飄搖伊洛間至今明月夜  
鳳吹空滿山維氏仙踪杳東萊漢使還  
樓居高幾許天路渺難攀

七夕前二日鞏縣阻雨

大火西流日昇仙故跡存王子晉以七月七日上昇  
秋風來鞏洛暮雨阻輾轉欲把浮丘袂  
難招杜甫魂工部葬首陽山神嵩如

可眺三十六峰昏

宋陵

鞏縣

洛水邙山飽廢興宋家幽寢闕魚燈奉香不見臨  
安使白日茫茫下七陵

七夕雨抵汜水縣

玉門殘壘外云是古成臯濁浪喧牛口雄關偪虎  
牢青山空楚漢白骨尚蓬蒿七夕風兼雨悲歌撫  
孟勞

紀將軍祠

滎陽

東門黃屋競傳呼從此咸陽入帝圖若遣封侯身

不死也須鐘室避娥姁

夕陽樓 鄭州 三首

野塘菡萏正新秋紅藕香中過鄭州僕射陂頭疎  
雨歇夕陽山映夕陽樓

僕射陂白蓮

陂名傳僕射秋氣滿蒹葭十里銀塘冷千枝白氎  
斜他年履道宅應憶管城花素手誰攀折飄零自

水涯 鄭州古 管城

圃田列子祠

冷然鄭圃御風遊四十年如不繫舟怊悵餘年還

嫁衛先生老矣又何求

官渡

別駕亡來萬事非夕陽官渡客行稀袁家新婦應  
惆悵賸與陳王詠宓妃

中牟縣南湖蒲盧亭是張林宗飲酒處予易

名墊巾題一絕句

南郭孤亭野水濱菰蒲獵獵水鱗鱗林宗未遠風  
流在不愧亭名是墊巾

板橋

板橋衰柳日蕭蕭回首宣和似暮朝上巳金明池

上飲畫船銜尾駱駝橋

昭靈夫人墓

驚風古道卷蓬根何處昭靈墓尚存不見梁巫陳  
桂醕野人耕盡小黃園

艮嶽遺址

內殿傳聞燕親

去聲唐人詩人  
主人臣是親家

家香風千樹引梅花玉

華閣裏分明見不羨堂名萼綠華

謁信陵君祠

趣救邯鄲却暴秦十年留趙事酸辛大梁歸後匆  
匆甚日飲亡何近婦人

曹門李中丞蒲陽偕藩臬諸公餞別

梁園送客覆清樽雲作魚鱗日氣昏劍客廟前相  
問訊抱關非復古夷門

曹南渡河望南華山

函關已弔玄元宅鄭圃還過禦寇家問渡漆園風  
雨裏却臨秋水誦南華

春城堆

金鄉晉郗  
公故宅

春城堆上弔諸郗絕恨參軍入幕時只有青溪三  
十曲風流猶自憶僧施

南陽聽歌

七載離筵喚奈何玉壺紅淚斂青娥  
瀟瀟暮雨南陽驛重聽吳娘一曲歌

春城雨登太白樓  
開元陳蹟去悠悠猶有城南舊酒樓  
吳語曾呼狂太白洛陽何必董糟丘  
龜鳧縹緲當牕出汶泗蒼茫遶檻流  
眼底無人具賓主任城煙雨可憐秋風

南池

南池風景地微雨墊巾來盡日聞蟬語  
無人共酒杯一亭楊柳暗四面芰荷開  
萬里橋西宅新經蜀國回

龍女祠

汶水北岸

冰綃霧縠映迴波半額宮黃感黛蛾  
欲采香蘋慰幽怨不須深避庾毗羅

帶經堂集卷五十八

帶經堂集卷五十九  
 新城王士禎貽上  
 歙門人程哲校編

帶經堂集卷五十九

新城王士禎貽上

蠶尾續詩五 續集上

夢遊三山圖歌為尤悔菴太史賦

故人昨有夢夢落滄海東海中三神山往來倏忽

隨長風上有金銀宮闕互虧蔽下有雲濤汨沒相

撞春蕭灑古仙人漆園傲吏逍遙翁 莊 歲星不見

幾千歲劃然一嘯驚鴻蒙 東方 鴻蒙澤見 郭憲東方先生傳 羲皇上人

北牕卧流觀山海須臾中 陶 謫仙騎鯨去采石 李

玉局西返峩眉峰 蘇 或被天衣駕煙鴻或乘雲氣

騎飛龍西堂八十方兩瞳生不並世道則同笑指  
桑田洗毛髓下視六合塵濛濛兜率海山等遊戲  
夢耶覺耶皆虛空三千里外訊占夢漢廷尚有大

王公蕭黯古山人秦園始吏監監命

觀演瓊花夢傳奇東龍石樓宮允八首

歌舞并州暫許窺心如牆壁阿誰知尊前唱徹銷

魂曲不奈橫陳嚼蠟時

歌似遊絲裊碧空舞如洛浦見驚鴻三鄉陌上聞

風水偷入霓裳曲調中

臨川遺跡草蕭蕭絕調荆溪

謂吳石渠

又寂寥自掐檀痕

親顧曲江東惟有阿龍超

貫酒旗亭風雪顏涼州一曲唱雙鬢舊傳龍袞江

南錄新譜江郎夢筆山

劇譜江某事

隻手雙提將相權晚昇碧落珥貂蟬真靈位業都

如此那許孤寒到日邊

漏盡何辭倒玉壺清歌十斛走明珠金荃曲妙無

人解合付柔奴與態奴

三年書記揚州夢一夢揚州三十年誰識蕃釐舊

遊侶白頭猶剩杜樊川

予去揚州三十有一年矣

香山翠色玉泉流小別俄驚二十秋不負殘年好

風景千峰霽雪一登樓

昔與荔裳西樵雪後遊西山亦二十四年

題張翀花卉二首

乙巳作追錄

曾過桃葉渡不見春蕪閣何處曼殊花忽從卷中落

楚客寫芳草汀洲蘭杜春芳香持作佩欲寄湘中

人

為門人顧俠君

立嗣

題小秀野二首

屋上青山看鄧尉門前流水即滄浪更添五畝閑

花竹何似君家舊辟疆

前身慧業應金粟家世風流是玉山他日凌風一

相訪閑吹鐵笛過雲間

雨後門人鍾聖輿

轅

送芍藥報謝二首

十年不復過豐臺多負花時澣豔杯愛爾清才如

小謝故吟紅藥遣春來

新綠橫牕穩晝眠一簾微雨似輕煙晚晴睡起維

摩榻花氣撩人又破禪

題門人宋山言

至

學詩圖兼寄牧仲中丞

名家文采更堪論七葉雕龍舊相門却笑當年韓

吏部生兒渾不辨金根

送彭羨門少宰予告歸海鹽三首

達人貴止足筮爻得天山挂冠去神武養拙歸丘  
樊朝上北闕書夕問東吳船為別當重陽雲物淒  
以繁黃菊照離尊丹楓羅廣川賓鴻正南翔流聲  
雜哀絃南鴻歸有時解后知何年  
與君初結交乃在弱冠時卓犖皆負俗雲龍歟追  
隨九日登薊丘慷慨賦新詩橫槊當曹公  
順治己亥偕曹學士顧菴  
四十載容鬢各已衰今辰復重九少壯非前期惟  
應尺素書慰我長渴饑

夕次直沽津晨發鮑丘水輕帆駕雲濤倏忽即干

里北望懷故人南歸戀枌梓故國與故都暢然皆  
可喜慨茲搖落辰秋聲感人耳落木紛川塗寒蟬  
鳴不已零雨與晨風離憂從此始

再送羨門少宰

早年燈火共長安垂老悲歌易水寒故里黃花三  
徑好重陽白雁九秋殘玉衡去後留民譽金粟歸  
來穩釣竿十載聞雞同左掖臨岐清淚忽洸瀾

題門人朱子青詩卷

吾州之湖號蓮子  
明湖一名濯纓湖又名蓮子湖數峰純浸湖光裏當  
年房豹亦佳人解道風淪歷城水橡村居士苦耽



吟寄我新詩韶護音髣髴鵲華秋色好扁舟繫著  
使君林

題梅桐厓中丞黃山采葯圖二首

三十六竒峰峰峰雲海中誰能賦采葯獨有陸龜

蒙

天隨子有采葯賦

君住謝家山蒼翠落牕几何事訪軒轅迢迢三百  
里

為李公凱學士題謝西村雜畫三首

陶峴三舟載賓客鷓夷一舸下姑蘇不如細雨斜  
風裏還我煙波舊釣徒

一帶青山罨畫長半篙春水即滄浪鳧翁濯濯蒲  
芽短黃柳千絲亂夕陽

崦隔雲林石磴危林端紺宇露參差分明倚杖開  
先寺雙劍峰前看瀑時

題宮中丞登岱海市二圖二首

紫氣來江左青方首秩宗金絲聞魯壁風雨撫秦  
松日觀翔孤鶴天門憶六龍漢儀推應劭早晚紀  
登封

謝公山澤興放眼到之罘城郭鄰鮫室風煙結蜃  
樓一泓俯滄海九點辨齊州夙昔懷坡老真追玉

局遊

碩揆禪師住三峰祖庭有十月桃花四月梅

花之異老友錢湘靈孫赤厓皆為賦詩自

吳中來徵予作為賦六絕句寄之

桃根桃葉鬪妍姿解道盧家醜面辭爭似祇林不

搖落紅花白雪恰同時

玉笛吹殘楚水涯江城五月落梅花石泉槐火三

峰下真見仙人萼綠華

想像靈雲一見難桃花作飯阿誰餐上春不屑嬌

穠李留伴空生閱歲寒

冰姿一樹壓雕闌梅子青青已帶酸誰信暗香疎  
影裏綠陰黃鳥殿春殘

名葩何必競芳春狡獪從知造化神依舊汾陽玄

要句重陽九日菊花新

漢月大師建立臨濟  
玄要宗旨師其嫡孫

巖中晏坐幾經年般若何曾一字傳任是無聞總

歡喜隨時花兩散諸天

送馬生歸金陵

隨身鉢袋與軍持慙負年年白社期君到獻花巖

畔去為予一謝嬾融師

常少司空奉使西域回賦贈

曾騎白馬度安西都護名從絕域題雪嶺天寒人  
去少河源日落鳥飛低彈碁握槊分曹出皓齒青  
蛾按拍齊東入陽關更回首輪臺春草正萋萋

題張杞園待詔遠遊圖

屈生蕉萃江潭後始載雲旗賦遠遊何如世外張  
公子早駕飛鴻徧九州

題門人狄立人億庶常載花圖六首

輕陰細雨養花天淺絳深紅載滿船也似碧雞坊

外路不妨人喚海棠顛陸放翁詩走馬碧雞坊  
外路市人喚作海棠顛

兩度虛從錦里迴燕宮花事剩莓苔風流輸與江

東客不用梁州打始開

嫣紅映肉怯中單淥水春江正薄寒誰似玉山風

調美朝朝側卧捲簾看韓致堯詩海棠花在否側  
卧捲簾看韓號玉山樵人

曼殊沙與曼陀羅香色料量不較多髣髴散花天

女侍前身應是病維摩時方屬  
疾乞歸

紅雲洞裏覺春深蹋颯何愁風露侵常笑吟詩張

學士川紅擬似水林檎宋張冕賦海棠詩云  
水林檎發一攢攢

曉妝倭鬢露盈盈卯酒微酣頰暈生他日流傳新

樂府祇如名士悅傾城

送陸廣明視學四川二首

當年持使節相見粵王城何意三巴返重逢萬里  
行文翁方教授杜撫幾門生再勒宣公碣聞孫繼

令名

子甲子使粵陸方令  
英德今又使蜀初歸

江左傳文賦才名大陸知王程犀浦道弟子鹿鳴  
詩滴博千秋雪摩訶六代池公餘倘懷古吟卷寄  
相思

孫赤崖孝廉七十奉寄

卓帽歸來兩鬢絲依然海鶴舊風姿清規誰似邴  
根矩真樂無如榮啟期洛下近添耆老會鄴中都  
誦建安詩尚湖春水濃如酒誰共扁舟倒接羅

題王石谷騎牛圖

送君歸去烏目山想見昔人清淨退來往騎牛澗  
谷中往往神光射牛背

再送石谷歸常熟

君訪慧車子言歸烏目山帆隨五湖闊心與孤雲  
閑潑墨營丹嶂開籠放白鷗遙知破山寺高卧掩

松關

破山寺唐人  
常建題詩處

送王令詒

原

之官銅仁

以茂名  
令改任

乍返扶胥櫂還乘楚水槎人如訪勾漏地自足丹  
砂蠻俗猶輸布徵書定及瓜一歌沅有芷離思滿

天涯

題鍾文子師桷園漑竹圖

園有金線泉七十二泉之一

梁園修竹久凋零金粉蕭條草自青惟有白頭王  
孝逸昔遊如夢記汾亭

為張敦復宗伯題王石谷畫

眼明忽見楚江船烏柏丹楓歲莫天憶在滌岑修

竹裏滿天風雪指龍眠

滌岑陳默公兵部別墅

送門人蔣靜山仁錫之大同

結束曉蒙茸貂裘犯朔風亂山橫代北匹馬入雲  
中冒頓曾鳴鏑祁連昨挂弓清時思魏尚懷古意

無窮

夏日有事吏部坐藤花下呈玉峰吳盧二少

宰

日斜人吏散雜坐古藤陰時有涼風至冷然開我  
襟周行聊寄跡丘壑共論心尚憶延陵叟清徽感

至今

藤相傳吳文定匏菴官少宰時手植

題門人許不棄

遇

石林山居圖

友人有介子

石林卜築此幽栖浩劫重來路不迷彷彿憑闌吟

七字野航人遠鴈聲低

周櫟園侍郎昔示予名人畫冊有有介題句云云予深愛之

甘泉宮長生瓦歌為門人林吉人估賦

漢宮一百四十五

三輔黃圖漢畿千里內外宮館一百四十五所

橫絕南山包九峻

未央建章最廣麗渭北更起甘泉宮甘泉之山化

金碧千門萬戶交玲瓏通天臺高屹宮表下瞰雲

雨青濛濛武皇求仙跨滄海射魚牽犬東門東

皇紀立石東海上以為秦東門孫卿已誅五利死飛廉桂館猶龍從上

陵磨劍勢一變雲陽煙草悲秋風甲帳珠簾盡黃

土何況片瓦埋荒叢林生伺好古極幽蹟短衣匹

馬空山中太乙壇邊弔鈞弋悲歌躑躅斜陽紅此

瓦出土事非偶長生古篆疑神工濯以清泉襲綈

錦攜歸嶺海光熊熊令弟繪圖亟示我使我懷古

心忡忡終南渭水舊遊歷漢家陵闕隨飛蓬豈知  
一瓦供賞識遠與石鼓岐陽同兄視羽陽羽亦作棧弟銅  
雀織兒慎勿加磨礧

題公凱學士寫真

脩然海鶴擬風姿千尺寒松晏坐時常憶摩訶池

上月清光相對細論詩故蜀宮即王衍摩訶池王子秋與學士同校士于此

新安畢喁谷熙以畫梅十幅題詩遠寄京師

感其意賦答前戶部侍郎東郊先生子

昔我登蟠螭維舟虎山橋仙人萼綠華一笑相招  
要十里梅花林玉雪寒蕭蕭身入眾香國天花競

飄搖回首四十載日夢漁洋椒何意黃山人新詩  
慰無慘一幅花光梅疎影羅生綃寒花間的礫翠  
羽聞啁嘲自言白沙嶺手種青山坳戴笠風雪裏  
滿目英瓊瑤感此懷舊遊銅坑路迢迢寄語漸谿  
隱他年希見招

題高江村詹事梓花圖二首

文梓青牛事已遐瀛山重見滿林花九成絳雪人  
間少須問仙人蔡少霞

天半朱霞照赤城輕綃貌出可憐生一從寫入吳  
都賦平仲君遷枉擅名

題冒君愛馬圖二首

辟疆之孫

懸雷山前碧水潄羣賢高會似山陰那知三十年  
來夢又續幽州馬客吟  
鑿蹄驕馬五花文赭汗蘭筋迴不羣金埒勞君勤  
拂拭他年一戰立功勳

題門人曹希文

才三浮家汎宅卷

癸亭煙水望烏亭細雨斜風汎杳冥千古風流兩  
漁父蘇蘭薪桂有樵青

答耦長惠畫時將歸宣城

流雲閣疎雨閉戶寫孱顏十幅江南意雙羊故國

山深情托毫素老筆失荆關畏說秋風起琴溪一  
擢還

題禹鴻臚卜居圖

白沙翠竹淨娟娟屋角板層屋後船除却圖書雞  
犬外更無殘客與周旋

送同年杜肇余大宗伯予告南歸二首

御書  
煙霞者

舊賜  
以寵行

遺榮一疏謝金貂祖帳東門集百僚北斗星文兼  
將相公先為  
大司馬南宮地望迥雲霄直清譽重推三禮禁  
近恩深荷兩朝最羨鱸鄉亭下泊蓴絲入饌雨

瀟瀟

潞亭雲樹望中迷一片歸帆落日低心戀觚稜別  
金馬夢回煙水聽潮雞五湖蝦菜身將隱九列功  
名物久齊亦欲投簪東海去便從梅里問幽栖

庚辰七月廿六日雨中東便門外餞杜肇余

大宗伯南歸寄子文

時分司  
大通橋

煙水忽空濛鳧鷗競凌亂雲帆集浦口疑是江南  
岸零雨送歸人詎免盈襟歎故人何水曹雅詠富  
篇翰高齋臨枉渚蕭晨起清盥琴書雜坐卧文史  
互鈎貫安得青翰舟相將泝波瀾



高梁橋即目戲東門人陳子文奕戶部  
清流十餘里時復愛鵝羣借問陳驚坐何如王右  
軍

題門人查聲山昇花谿石漾圖

卜築傍龍山遶舍盡流水山重水掩處一徑桃花  
裏竹邊麋眼籬松下烏皮几偶爾坐釣魚吾已忘  
筌矣

為門人宗梅岑元鼎題荔支圖庚戌舊作追錄

妃子宮中病齒時紅塵川使與星馳不堪重問華  
清事又向丹青見一枝

悼亡詩哭張孺人十二首

落葉哀蟬斷送秋他生未卜此生休梧桐淚與芭  
蕉雨并作西牕一夜愁

一夕金風起白蘋幾聲哀鴈助沾巾紅牕依舊明  
明月不向羅幃鑒玉人

冰簟銀牀夜色幽涼生風露碧雲秋最憐目斷黃  
姑渚無復金鈿乞巧樓

流螢幾點墮輕羅靈鵲傳聞此重過極望白榆空

歷歷張星依舊隔天河閏七夕

碧海青天欲見難月中誰伴女乘鸞可憐三五嬋

娟影只映方諸淚不乾

白頭重作蜀川行聽盡千山杜宇聲記得夢回金

雁驛酒醒中夜臉波橫

丙子使蜀兩宿漢州有詩紀夢

曼睩橫波一顧時素妝不屑浣胭脂成都畫手丹

青筆難寫天然却月眉

稱體天衣恰半銖不離丁緩博山鑪祇今桁上衣

猶在縹緲餘香尚有無

廿年往事憶前塵離合神光似洛濱自有宓妃留

不得那能憐取眼前人

飈車幾日返神霄青雀西飛竟寂寥千里鸞岡如

黛色空留甲帳誤文簫

愁聞別鶴與孤鸞拂拭龍脣一再看江上峰青人

不見美彈今日是哀彈

見孟東野詩

暫離永訣怨俱盈嚴樂空教號筆精春水綠波春

草碧從今何處不關情

哭女婉四首

左家織素豈忘情玉女窺牕似隔生怱悵牕前一

堆雪梨花燕子又清明

冰魂玉骨絕纖塵緣盡依然返上真不共麻姑玩

清淺也隨南岳魏夫人

三鄉陌上望仙山有女乘雲去不還何處回車腸  
欲斷空留玉几在人間

厭聞四姓說高門牽犬風流素業存捲却南宮舊

圖畫雲山忍見大姚村

米元章居吳嫁女子大姚村有大姚村圖

題觀海圖二首為慢亭弟

我聞海上三神山終古虛無縹緲間何人解作鮪  
鯨引浩浩天風一霎還

丹厓翠壁高崔嵬下瞰萬里雲濤堆阜鄉玉鳥渺  
何所笑把安期歸去來

題陳子文戴笠圖

平生恥作搥壁歎戴笠行吟頗自如眼中不少乘  
軒客相揖何勞更下車

題林吉人看雲圖送之歸閩二首

終南雲物入秋竒輞水淪連月上時絕景千秋誰  
拾得丹青一幅右丞詩

秋光九曲望紛紛惟有清流和白雲一片征帆留  
不得歸心先寄武夷君

送棲霞楚雲禪師歸南岳

孤雲無所住又欲返三湘白氎行秋色朱陵澹夕  
陽蒼梧思帝子斑竹淚英皇已是空生者終然戀

三〇〇  
故鄉

師湖  
南人

題門人朱翠庭

從延

載菊圖

結廬背城市遶徑幽蘭馥扁舟練川至復載東籬  
菊月令有特書騷人蒙齒錄歲歲雪霜中爲君媚  
幽獨

送徐勝力閣學致政歸禾中

此別屆三秋清樽當七夕明河耿遙夜華燈照離  
席學士挂銀魚去作扁舟客龜鳧千里青鷗羣五  
湖白君家小長蘆鱸鄉望咫尺蓴菜步兵思杞菊  
天隨宅歸謝朱與彭予懷在三益

竹垞檢討  
羨門少宰

題卞中丞紀年圖十首

綠橘黃橙未受霜楊梅先熟蔗爲漿先生也似東

坡老夢遶吳山却月廊

坡詩夢遶吳山却月  
廊楊梅蘆橘覺猶香

花時河渚鏡中游茗椀鑪熏列兩頭知有何人伴  
幽獨四山香雪一孤舟

桐君山出白雲層雲外荒臺盡日登烏柏丹楓秋  
色裏瓣香新酌古嚴陵

蒼筤林中宴坐温木樨香裏對忘言語言文字銷  
除盡便是文殊不二門

憑將忠信涉波濤橫海樓船擁萬艘手拔鯨牙歸

幕府荔枝香裏解弓刀

翛然琴鶴出甌閩回首風濤百戰身荔子殷紅榕

葉碧江郎山下一歸人

耿耿銀河拂地流霜催黃菊雁橫秋橋南荀令銷

魂日纔聽言愁我欲愁

予悼亡甫一載故云

萬峰飛雪暗蠶叢拄杖過眉老衲同禪會圖中舊

相識三生還踏隗囂宮

名士軒頭六月時科頭長日對漣漪行吟淶水紅

蓮裏身是風流庾杲之

御蓋遙臨越望前八神警蹕衛山川畫圖省識辛

壬蹟父老長傳已巳年

門人陸次公

輅

通判撫州半載挂冠重建玉

茗堂于故址落成大宴郡僚出吳兒演牡

丹亭劇二日解纜去自賦四詩紀事和寄

落花如夢草如茵弔古臨川正暮春玉茗又開風

景地丹青長憶綺羅人瞿塘迴棹三生石迦葉聞

箏累劫身酒罷江亭帆已遠歌聲猶遶畫梁塵

題門人朱悔人

載震

匡山三疊泉圖

當年信宿開先寺親見青天下白龍急峽雷霆雙

劍瀑危橋風雨萬株松目窮遠勢含滄海興盡探

竒過別峰輸爾緣攀上三疊雁門僧伴一枝筇

開先瀑布

自雙劍峰飛下寺門橋畔有佛印松

題門人黃硯芝麟宮允黃山采芝圖

我愛黃中允蕭然冰雪容  
栖遲依館閣懷抱入雲松  
豐樂花時雨軒轅雪後峰  
肉芝如可拾去去躡仙蹤

再題黃山采芝圖

三十六峰青不齊容成遺竈隔丹梯  
迴絃一鼓商山操自抱孤琴去阮溪

送涓來大宗伯致政南歸卜居金陵五首

早抗歸田疏今朝竟賦歸臨池看鳳去  
遵渚羨鴻飛白社還初服青山望袞衣  
自慙留滯久惻惻寸心違

淡墨題名日紅顏各老蒼浮生空碌碌  
壯歲去堂堂世外還丹訣林間選佛場  
何因攜手去長嘯白雲鄉

寒山將拾得無著與天親浩劫聊乘願  
孤峰欲卜鄰虎溪因不昧蓮社約重新  
共理無生話誰為及第人

笛步初停棹樊川舊卜居誰云建業水  
不及武昌

魚桑下曾何戀扁舟信所如太平無事日閑煞老

尚書

未用張文定方平語

家聲元太史

尊公翰林先生

令子已中丞蓮府推王儉龍門

重李膺歸裝但詩卷長物有行滕清獻高齋裏依然出定僧

題張小白

皓

舍人涉園圖二首

千古身爾白

好事張公子名園顧辟疆竹陰通鶴柴瀑水激魚梁海近帆檣集雲深洞壑藏何如王給事自繪輞

川莊

檻曲交珠箔廊迴映綺疏小山皆婉孌叢桂亦扶

疎綠樹聞歌鳥紅泉出媵魚黃門休沐暇曾此賦

閑居

題周燕客松風流水圖

周侯有逸尚寄意在焦桐山石何寥寥寂聽惟松風風水兩相薄激叱傳無窮昭文罷不鼓目送孤飛鴻至人會天籟不在絃指中如聞水仙操刺船將往從

題盧溝送別圖送周七燕客之揚州

二月都亭折柳條盧溝風雪正瀟瀟酒醒何處江樓笛已泊隋家廿四橋

春日懷樊川舊遊

當年曾到杜陵原石鼈春流遶寺門  
直向桃花深處去午雞聲在夏侯村

花下

兀兀心空似老禪春陰又及養花天  
顛毛白盡風情減猶泛朱提舊酒船

韓詩我有雙飲盞其銀得朱提

雪中梅花

南牕明月上光景紛竒絕移得羅浮花  
初逢洛陽雪

二月初七夜即事賦得明月照積雪

積雪滿庭除流光復望舒月華生皎潔  
雪意上清虛銀椀盛難見金波映有餘  
提婆宗會否于此契真如

題汪玉輪狀元看劍圖

爛如列星下垂芒光如秋水翻濤江  
赤堇山閉若耶涸君從何處逢干將  
一麾三軍盡辟易晉鄭萬人頭畢白  
世間兒女競恩讐肯使太阿輕一擲

韓詩李翱

江觀濤

紅線

漳水向東流銅臺露未收六城千里道  
一葉五更



三五九  
香林集卷五  
三  
秋金谷銷兵氣紅顏赴國讐洛妃乘霧去空怨木  
蘭舟

聶隱娘

太華三峰隼高風九月秋雙丸輕將相一決判恩  
讐身逐猿公去心爲僕射留棧雲千萬疊何處問  
刁州

過涿州憶魏闈進香事慨然作

段張朽骨已成塵媚子何心殺黨人賴是天心延  
一紀未教失路小平津  
新城南高橋訪崇寧廢寺

皓首重過此芒芒歲月賒荒涼青豆舍寂寞白牛  
車梵唄聲皆冷祇林日又斜千年一彈指不必算  
河沙

白溝河感宋張公叔夜而作

白溝河上黍離離誰記孤臣絕吭時最是中山高

宴日君王猶賦打球詩

金帥以道君至中山請賦打球詩云錦  
球駿馬曉朋分一點星馳百騎奔奪得

頭籌須正過休令綽撥  
入斜門事見北盟會編

雄縣柳

易京樓畔柳婀娜尚餘春秀色分螺黛輕風漾麴  
塵垂條綰游騎臨水拂行人若植忘憂館梁園賦

三  
競新

歎老口號寄宋牧仲開府

尚書北闕霜侵鬢開府江南雪滿頭誰識朱顏兩

年少王揚州與宋黃州

過徐五東癡墓

秋晚東溪上裴回欲去遲蕭條白楊路婉晚菊花

時已挂徐君劍

予刻先  
生遺集

曾題有道碑

近為先  
生題碣

未應防腹

痛老淚不禁垂

鏡檻小集

鏡檻臨明鏡迴闌夕共凭人歌秋白苧池薦小青

菱

小青菱出禾  
中別是一種

翠合千竿竹寒生六月冰好風起蘋末

莫負酒如澠

陵臺冰井有六  
月冰見西征記

清遠山居雜詠八首

褐錦穿林生氾氾苞犀玉春雷動地來一夜成新

竹

玉版  
書屋

行過曲廊下竹風生午涼胡牀俯流水萬柄白蓮

香

長廊

勞生大火聚有此清淨退心空及第時跣趺入三

昧

清淨  
退

愛此黃篾舫置近清瑤流海客忘機久時下芙蓉

鷗鷗

亂石成略約磴道緣虛空下見龜魚樂田田蓮葉

東懸

廊盡得層臺雜花香不歇生衣耐風露莫負清秋

月望舒

一勺憺不流亦復名罨畫春雨縠紋生演漾湘簾

下小罨畫谿

池上一拳石稍稍具巖洞茅山歸未歸已作松風

夢松風巖

題東園承茂堂後三巨石

薜荔為衣覆綠苔三峰負日各崔嵬何如甲乙竒  
章石祇鬪玉杯金椀來

水月寺予少曾讀書其地

明湖東北

漁舍遶精廬重過四紀餘青蘋紛枉渚白鳥上堦  
除南浦豆花水西方蓮葉書半生流浪跡又到化  
人居

讀文書天眼二絕句

崙摩彈琴時迦葉敗其道如彼毗藍風崑崙成腐  
草

性愛親豪族如簧亦辯才是人經浩劫鸚鵡識中

來焚燹寒秋吹黃木長入豎古法興詭窟中

答梅子翔淵公見懷四首

追錄庚申年作

畫遞詩筒未寂寥相思頻逐晚春潮應知今夜江南夢又過新林向板橋

宛上谿山畫不成諸梅才調擅縱橫怪來句帶澄江色家在南朝小謝城

紅白花開山雨時故人相憶水西湄半醒半醉遊三日耐可閑吟杜牧詩

詩翁愚山並馬愛尋春梅子長耦清吟日幾巡那得當

杯慰怙悵瞿硎東渚兩比鄰

手折貝多樹植廣州使院一夕而生意鬱然

題詩楣間以紀歲月

南海集逸詩追錄

貝葉無根插短籬一朝春雨發華滋他年誰續羊城志記取洋漁手種時

帶經堂集卷五十九

帶經堂集卷五十五

賦志晴風半魚手蘇和

貝葉無跡跡或麟一障春雨發華茲於平指餘年

賦昔賦聞心賦魚貝

手法貝冬樹蘇黃剛對一之而主意鬱

帶經堂集卷六十

歙門人程哲校編

新城王士禎貽上

蠹尾續詩六

續集下

送張敦復相國致政歸桐城四首

八荒同軌日上相袞衣歸督亢冰初泮桐鄉鴈正

飛幾年陪禁闥

予同相國前後兩直南書房

此別阻音徽海內論者

舊如公出處稀

龍眠山總好況有賜金園竹裏書連屋花時水到

門得歸仍遠志高卧亦君恩貞觀惟丘壑應從

達者論

憶擁珠江節逢君休沐時雪酣中平酒後梅發近  
檐枝良會誰能數歸田我較遲何年尋舊約細和

頽濱詩

子由有題李伯時龍眠山莊詩

見說浮山勝浮山繼大陽異苗曾應識種草至今  
香已辨遊山屐頻來選佛場他時聞九帶早為指

迷方

公屢為余言浮山之勝又以浮山畫卷屬題浮山遠禪師作九帶

送田綸霞少司徒予告還德州六首

倦游初抗疏未老竟抽簪遺愛留盤瓠新書就竹

林繁露篇名

閉門惟鹿跡對客有鸞音舊德朝端重其如

高尚心

末用明皇送賀監語

再領中丞節還朝鬢未斑公才推畫省歸夢遶青

山行止水何意卷舒雲共閑杜亭風物好高卧掩

松關

中丞凡兩巡撫江南貴州

十載惜勞薪君恩許乞去身尋源問漁父聽漏

別雞人車馬長楸道鶯花上洛津河梁一揮手怱

悵隔清塵

海鶴誰為伴冥鴻不可招翛然謝朝市歸去混漁

樵室白惟書卷林香有藥苗良辰臨袂上已接

花朝

我來君又去祖帳國西門惆悵衰年別殷勤醉後

言隻雞招近局駟馬謝高軒預擬南村宅新詩約  
細論

牛角斜陽裏逍遙挂漢書鷗邊停畫舫花外命籃  
輿古碣尋方朔荒臺弔仲舒故園行樂處消息佇  
雙魚

蟹

指海奔爭急紛紛執稻芒橫行聊自快顏甲亦何  
妨用躁緣多足披堅恃有匡寒蒲終束縛應是悔  
無腸

新作高粱橋

春水來金口迢迢太液通鴨頭三月綠鴈齒一橋  
紅翠羽洛川女斑駁明下童冶遊爭日暮照影碧  
瀾中

題尋山圖為霜臯老人作

一從投老射陽湖麥秀歌殘望故都幾見唐陵藏  
土匣猶存漢殿執金吾清泠澗水千花路瀟灑巾  
箱五岳圖留得謝家晞髮集鹿田風雨不曾孤

題趙齋如畫石

九華縮向一壺中突兀毫端見化工傳語東坡老  
居士百金休買碧玲瓏

三十一  
題茂京侍講山水小幅

宿雨初收雲未還數峰杳靄出雲間一峰蛾綠更

娟好大似吾家魚子山

水經注魚子水經此山下

送朱悔人之任石泉

龍州古陰平直北通仇池嚴關比劍門所以限羌夷  
縋險叢草吏坐使漢業墮至今蠶陵道嗚咽江流悲  
君今叱馭往九折凌險巖懷古過戰場憑軾賦新詩  
况復石紐村神禹聞降茲實始肇西音請歌候人猗  
郡邑雖荒遐見聞頗經竒賦心擬司馬淵雲亦吾師  
三年一彈指趣裝應及時臺閣多故人待君慰調饑  
努力酌此觴班馬翹路岐

立秋日雨竟夜晨起竹軒即事

夜雨達晨朝湘簟如潑水蓐收一以至西陸無淹  
晷蕭晨坐齋閣日影漾簾几鳥聲乍清圓斷續悅  
人耳藥欄數竿竹嫵娟照清泚冉冉紫雲蓋翻翻  
紅鵲尾末麗交芳香幽蘭競藿靡時復讀我書宛  
在茅簷裏

送門人王赤抒舍人謝病歸錢塘

昨日蠶陵尹梅才浮三峽流今朝鳳池客又泛五  
湖舟尚有文園病能忘鄴下游護蘇何處寄持以



三十四十二  
緩離憂

此詩屬陳子文蔣靜山兩書扇赤  
抒屬客畫五湖秋水及葭蘇二圖

初秋三日竹軒即事

下直謝塵鞅居然物外游紅欄香過雨白鶴唳迎

秋素髮已垂領故山難久留予客夏休沐歸僅  
五月即還京師何年醴泉

上跂石弄清流

齒落

前日落左車今日落右車齷然落未已一往將何

如輔車一失勢舌在空躊躕枕流愛清泠漱石愁

齷齪齒髮關神明斯言聞豈虛編貝妬曼倩嘯歌

希幼輿勿慨馬齒長後殆無留餘是身如浮雲變

滅在須臾何妨此贅疣造物為驅除昔者白太傅

頗耽釋氏書既知順化理胡為重欵歎悔不早致

柔或以永居諸

白樂天齒落辭老  
與齒別齒隨涕零

寄徐方虎侍讀兼示子貞學士

掉頭昔厭承明廬送老吳興水竹居餘不溪光何

澱豔吳羌山色正蕭疎織簾舊識先生里載筆新

成太史書南路風流人共羨趨庭學士紫金魚

古語  
北路

魚南  
路徐

題滄浪高話卷示拙菴禪師兼寄牧仲中丞

一勺滄浪水清如阿耨池高僧偶飛錫刺史復能

三五十一  
詩翡翠簾垂處鷓鴣香定時飄然離墨去還識舊  
苗茨

竹軒有花數種皆可玩獨梔子二本不花作

詩示之

新竹香解苞幽蘭澹盈襟縵華玉雪姿巧上搔頭  
簪亭亭白練衣菡萏冒清潯木樨最後來粟已綴  
黃金蒼蔔爾何意而獨有遐心妙香聞自昔掩抑  
方在今豈如優鉢曇聞聲渺難尋何人毘舍園晏  
坐蒼蔔林

立秋日作寄拙菴禪師

白髮黃雞且奈何玲瓏休唱百年歌西流弱水匆  
匆去南嚮賓鴻故故多悲願終期歸淨域衰顏誰  
遣照恒河毘耶居士觀空久古井于今更不波

卧疾門人繆湘芷

沅

見過時繆初病起

桂子紛金粟幽蘭裛露叢微風吹掩冉細雨下簾  
櫳過我衆香國憐君七發工文殊且安坐居士欲  
談空

答饋棗

棗花類芳蘭棗實勝丹荔昨朝下成蹊今日俄已  
賜賜盡也見古樂府及內典何來致傾筐珍重遠相遺朱實紛磊砢

盈盤堆火齊鄉味重安期次乃稱樂氏

吾鄉有樂氏棗相傳樂毅携種

歸去歌豳風田園及秋事何必羨安邑千樹傳貨

殖

空偶成

殘山賸水昔年遊葉落鐘鳴好便休鶴脰喻從園

吏得驢脣書向化人求挽鬢競喜孫曾長卧甕初

逢秫稻秋瀟灑微吟堪送老三間黃篋水邊樓

題門人徐內丘道冲

增祚

松泉圖

今更不

羲皇去人遠何方寄吾傲跂脚萬松間蒼厓落松

瀑

黃巖且奈何今歸朴曾百平烟西流

橡村圖為子青賦

橡村身未到聊作畫圖觀漁具交蠶箔牛宮次鴨

闌豆棚聽雨坐草閣倚晴看自笑車生耳因君賦

考槃

送門人李曲江

先復

少京兆之奉天

陪京古馮翊驄馬路人知紫塞三陵道丹楓十月

時貢貂通北部驛騎出東曉碣石觀滄海蒼茫一

賦詩

寄贈麋田山人

西川郭曩易傳之籬桶叟古來賢達流混跡無不

三九十三  
有抗懷寄雲壑高歌動林藪聽兩鹿田人千載思  
尚友

題門人李蒼存瑞嶼秋穫圖

舊家都梁下石田惟負郭吳牛十角強躬耕雜傭  
作淮口山氣佳清川帶林薄敢惜胼胝勞素業本  
耕鑿高空日明迴農人告秋穫幸免鳧鼠憂蟹亦  
無郭索廣場鳴碌碡茅簷歡鳥雀暮望煙火歸田  
家足藜藿一飽不願餘終焉此棲託

王子千副使焦麓別銘圖

楚僧元  
濟寫

摩圍居士言有徵大字無過瘞鶴銘瘞鶴之銘海

門側風濤萬古長冥冥雷轟浪打日剝蝕魚龍觝  
觸莓苔腥逸少貞白辨疑似衆喙紛紜徒聽熒胎  
禽化去幾千歲片石呵護勞山靈歐陽及見六百  
字逮今存者如晨星淮陰張弼老好事作為考辯  
窮滄溟我昔懷古焦仙嶺醉下水府搜林扃雷光  
回首四十載歲月幾換堯堦莫東川使君勇過我  
雙屐踏破三山青坐卧空山待水落古寺破鐸風  
泠泠椎拓數字比瓊玖綈錦什襲羅中庭楚僧作  
圖向篷底青春白浪浮空舫題詩却憶舊遊歷百  
年飄忽風中螢

題門人孫貞伯端嗣松石間圖

偶似襄陽坐磐石還如栗里撫孤松幽居盡日無人迹閑看春山鹿養茸

雙魚十月九日再雪竟夜晨起看晚菊適梁谿僧回首四岳蓮過訪彈琴記事

今年小雪後已見第二雪晨起坐高齋清暉照林樾寒菊抱孤芳幽人矜晚節天宇何寥寥冰壺映

俱徹

上人白足侶來自錫山岑衲衣鴈門雪懷抱龍脣琴幽蘭楚人唱大雅漢宮吟請師迴玉軫寫予山

水心遊五臺歸

輓門人黃仙裳雲兼憶宗定九

東原今宿草又見哭黃公已覺河山異還悲耆舊空文章曾逐鹿踪跡各冥鴻太息遺書在他時待

所忠黃年八十有三東原宗隱居處

送文濤女姪赴蘭谿

遙憶之官處新安水至清芳蘭綠渚發春雪照帆輕七里通嚴瀨千峰抱縣城謝庭風絮詠道韞舊

知名

送于鏡川之鄜州先任隴階二州

三度更遊秦三川別路新雕陰臨近郭園水渡征  
人蒼鼠隋宮晚黃虵漢時春杜陵草堂月鄉思幾  
逡巡

前門道院鶴

憐爾冲霄翮胡為近市喧依然能警露寧復慕乘  
軒月出孤松頂泉流白石根故山如在眼早晚謝  
籠樊

臘月廿七日大雪

寒風浙瀝鳴牕紙曉雪霏微壓竹叢玉滿天山渾  
不辨珮環聲在後堂中

上元後二日大雪

曾聞郢中曲白雪儷幽蘭又向星橋見何如素女  
彈梅花正娟好修竹共清寒自藝松明火殘書未  
倦看

二月廿五日復大雪

七度長安雪霏霏態轉新輕寒勒花絮妙舞上簾  
茵金井調湯餅瓊田糝玉塵江淮初望幸欣睹

翠華春

時南巡視河湯餅  
珮環語見姑臧記

寄題圖寧關為子喜中丞作

黔陽鳥道切雲迴新作雄關亦壯哉紫氣遙從千

嶂合青山不藉五丁開天連銅柱烽煙淨地接盤  
江職貢來我欲爲君銘劍閣磨厓萬仞紀崔嵬

題曹希文遠遊圖

鄴中才人五陵客臂挽強弓驕赭白朝來結束爲  
急裝仰接飛鳶左右射胡奴擔囊逐馬尾虬鬚麤  
毳蝟毛磔囊中磊砢貯何書無乃陰符授黃石丈  
夫不得展胸臆俯仰乾坤太偏窄不如放意爲遠  
遊六合茫茫如咫尺猛士詩人盡託乘酒徒劍客  
皆迴席歸來調笑楚三閭憔悴江潭復何益

送朱子青歸濟南二首

京華歲月盡唐捐何處林塘借坐眠十日到家梅  
兩歇鵲華秋色落檐前

名士軒頭碧四圍藕花香浸釣魚磯釣簾一笑水  
天接渺渺前汀鷗鷺飛

題江采伯宗丞江山勝覽圖

大別山前漢江水樓閣橫空去天咫英雄割據幾  
千年江山竒麗還如此先生少年讀書處郎官湖  
上煙波里有時懷古更登臨飛閣峇嶷俯南紀高  
檣巨艦下荆門灑岳廬山連楚尾赤烏黃龍不復  
見陸弟周郎皆已矣搔首青天一長嘯江介魚龍

三十九  
倏驚起二十年來客幽薊夢想江山落牕几禹生  
放筆爲此圖吳楚風煙收腕底杖藜瀟灑彼何人  
丘壑終當置吾子功成他日角巾歸布襪青鞵從  
此始

爲門人杜樊川天鑑題雲水圖二首

當年一杖樊川路下杜城連白鹿原滴水清流響  
環玦終南雲物幻朝昏

水流雲散意悠然寄跡何妨尺五天領取少林賓  
主句不須更費草鞋錢

題門人張蘧若侍御瑗請毀魏闡墓疏後

北寺窮鈎黨先知國步屯九原人可作萬古史長  
存狐鼠穿幽隧風雷洗墓門宮鄰與金虎一疏破  
重昏

送梁藥亭庶常歸粵

遲暮強爲歡悲歡雜幾端燕從秋社去梅向嶺頭  
看世態矜蟲臂仙人誤馬肝羅浮讀書處四百好  
煙巒

題汪東山修撰秋帆圖三首

一片雲帆曉入吳過江三日是姑蘇橙黃橘綠西  
風裏目送歸鴻下太湖



三子四  
卷六  
三  
綠蓑黃帽雨瀟瀟便趁吳淞江上潮歸去行吟何處好維摩僧寺破山橋

弱齡薄技悔雕蟲拂拭當年荷鉅公紅豆莊中人去久花開花落幾春風

此首專憶錢牧齋先生

光啟字元明濟南章丘人隱白雲湖上一名郎中泊

君家郎中泊何似郎官湖雲氣流銀浦人家在玉壺林園交水石煙火出菰蘆他日遺民錄千秋道不孤

舍北林塘為門人狄立人庶常作八首

陶令歸去來門前五株柳婀娜春風時為君小垂

手 柳柴

危石鳴激湍清流帶茅屋日落風氣寒題詩滿青

竹 欵竹步

林亭何寂寞苔徑遠橫斜山鳥啼春雨滿堦紅杏

花 杏花春雨林亭

我愛文泉子長吟古漁父桃花白鷺飛復愛元真

句 漁唱亭

涉江采芙蓉朝陽復相惜幽人誰往來獨應招謝

客 初日芙蓉亭

水木湛清華流暉漾高閣支枕聽禽鳴俯檻知魚

樂水木清華閣

后皇有嘉樹獨立自成陰最喜秋光裏家人掃橘林橘鄉

寒梅仍作花滿庭皆積素髣髴雪堂人載酒臨臯路雪堂

滄浪亭詩二首寄牧仲中丞

我昔萬里赴秦蜀書來邀賦滄浪亭喉間有語不

敢吐六一妙句通仙靈曲江樊川飽遊歷石鼈谷

水何清冷百花潭上花照眼東湖鳳翔坡公喜兩亭在其上菡萏千

娉婷東溪西溪夾明鏡中有萬竹森煙汀華州即鄭縣亭子

滄浪南望渺天末恨無大翮排青冥歸來八載一

彈指卧遊往往尋圖經高林翠阜尚窈窕紅蕖綠

浪鋪丹青盤山僧來見畫本使我遠望空吟孺子

美有語即吾語擬來隨汝腰笭箬蘇子美詩擬來隨爾帶笭箬

夙愛子美犢頭詩滿川風雨潮生時風格正與梅

老敵火攻欲並才翁馳況復生逢天聖日廟堂左

右皆臯夔奈何一肯輒棄置古來謠詠生蛾眉遠

放江湖禦魑魅遣來吳會觀漣漪南園舊跡久蕪

沒古水曾識王元之一朝勝地落渠手天意亦似

哀湘纍竹外有水水外竹石缸衰徑窮灣碕坐俯

紅蕖壓奩鑑行看白鷺吹參差終老于斯亦不惡  
 鳩媒鳩逝將奚為梁苑先生秉旄節愛此十頃青  
 玻瓈臨流慷慨一懷古倏還舊觀憑指麾移來妙  
 喜但頃刻華林魚鳥生妍姿古人今人兩不朽何  
 須漢水沈豐碑

樵谷山圖為門人林公韞

一賦莆田之游洋有麥斜元世祖命名樵谷山

御書三字以賜妙應真人林薛卿者林子一璘其裔孫也嘗繪為圖請予賦詩

寶墨題樵谷名山記麥斜金庭仙吏宅紫帽隱人  
 家龍護前朝碣泉流異代花何年降綸綍茲地足  
 煙霞奔峭停雲族陰厓駐日車靈溪采芝朮密樾

宿麈慶招隱詩空在尋真事已遐  
 輞川餘粉本吟望一興嗟

題梁藥亭維摩詰圖

淨名方丈室微妙難思議雖具大辨才而不涉文  
 字天花與香飯神通暫游戲南海毘耶離空空亦  
 非二

送狄立人庶常南歸

送君江左去南望闕江樓後夜相思夢遙應過石  
 頭商飈正搖落桂樹且淹留浩蕩煙波外難馴不  
 下鷗

送魯留耕司業假歸建昌

秋風一擢歸簫曲徑入麻源第三谷  
逶迤碧澗瀉紅泉宛轉喬林帶修竹  
幾看東海變桑田仙人依舊顏如玉  
麻姑遺跡剩丹丘况復曾經謝客遊  
遙憶題詩繼康樂芙蓉初日照芳洲  
登山臨水重陽近日斷滄江鴻雁秋

懷立人南歸時與藥亭同舟

霜信黃花節離心白板船  
鷓鴣爭得路蝦菜許歸田  
林葉三秋晚江程五兩偏  
差強臯廡客瀧裏過殘年

賦得洞庭霜落夜送門人張弘蘧

尚太史之

贛

秋晚洞庭霜千林橘柚黃  
扁舟從此去嶺表路何長  
蕉鹿醒殘夢蓴鱸戀故鄉  
離心章貢水朝暮下潯陽

再送弘蘧

薄宦三千里驚濤十八灘  
萍蓬岐路遠松桂玉堂寒  
木客吟中聽山都樹杪看  
炎方風土異行矣慎加餐

為王令詒題畫二絕句

茅屋臨清谿坐聽蕭蕭竹時聞山雨來聲亂西巖

瀑竹谿聽雨

香傳千樹梅風迴一天雪此中晏坐人都已離言

說梅花村晏坐

為張弘遠題牛車雪行圖

蟄蟲已瑾戶行旅方閉關問君將何之  
轂鯁駕車冰塞川層冰峨峨鹿鳴澤  
六出花飛雪盈尺蒼茫不辨黃金臺  
突兀遙連太行白車中有客裘蒙茸  
高歌抱膝如隆中昨朝秘省吟紅藥  
今日寒原逐斷蓬君家清門臨甫里  
遙指西江隔雲水三高祠

下去松陵五老峰前渡彭蠡丈夫何用別雄雌  
寒谷亦有回春時鬱孤臺上獨搔首應續當年玉局詩

詠晚菊再送弘遠

張翰黃花句風流五百年愛君吟五字  
搖筆繼前賢甘與雪霜潔羞爭桃李妍  
相期堅晚節重醉落英邊

宣沙視牧圖為徐虞門給事賦

唐家金城國西門四十八監如雲屯  
當時七十萬疋馬儻權竒難具論肇始貞觀及開元  
天駟下

三十一  
卷六  
况河龍繁駢騅駢駘駢駢駢駢一奮鬣思騰蹇至  
今丹青見遺跡髣髴蹴踏崑崙巔 國家全盛六  
十載四十九部皆藩垣年年貢馬入天廄金繒賚  
予何便蕃城北徐公美且鬣監牧屢出居庸關嚴  
冬風雪蔽山谷貂鼯狐白慘不温千里明駝負穹  
帳健兒左右從橐鞬雪中下程寒墮指猛虎夜嘯  
夔籬樊冢涼棧濕水泉潔翹足而陸鳴相驩太平  
無事罷征戰雖有逸足難飛翻宗廟會同駕玉路  
行以肆夏鳴和鸞還君此圖笑漢武何須善馬開  
窮邊

蒙

聖恩賜西域葡萄二株恭紀二絕句  
銜 恩特賜草龍珠手向東園斲綠蕪未擬芳香  
輸橘柚即看甘液勝醍醐  
天馬蒲桃隔月氏貢來新自玉關陞蓬萊殿上初  
宣賜何用崎嶇遣貳師

永嘉縣知縣贈浙江布政使司叅政諡忠勤

馬公挽詩

諱界武功人祖弘勳叛與  
道臣陳公丹赤同時殉節

武功天一握家世右扶風豈意逢天醉翻令作鬼  
雄太常新議謚 御墨昔褒忠萬古金鰲背雲旗

下海東

上西巡過洪洞辛丑進士臣范鄱鼎恭獻所著理

學備考一書 御書山林雲鶴四大字

賜之賦詩紀事

師曠當時里今為通德門書成伊維後道感 帝

王尊矯矣雲中鶴離哉天外翻河汾留一老長戴

聖明恩

題秋史孝廉二十四泉草堂

在鈞突泉兩殷文莊公園舊址

草堂負西郭聞是舊平泉將相邯鄲枕紛紜慶曆

年謂文莊同時新鄭江陵之事清溪帶茅屋古木剩寒煙惟有金輿

色朝朝落檻前

華不注一名金輿園有金輿山房

早日

早日松蘿少宦情中年槐棘誤浮名久貪殷浩周

旋我不屑桓温駕馭卿千樹秋風黃橘社五湖春

水白鷗盟蓴羹至竟須歸沈一笑滄浪自濯纓

題陳丙齋少司寇閑園圖

翬腰草綠水平池園柳鳴禽又一時西射堂前春

事好五言傳得謝公詩

陳秋溟孝廉秋泛圖

將游粵西

及山列仙居數峰青未了下有桐溪流水色湛清

三十五  
醜幽人喜沂沿一帆凌浩淼緒風起蘋末暝色帶  
歸鳥活火辨槍旗茶煙出林杪卧聽銅斗歌此樂  
堪終老忽復泛瀟湘楚山閱清曉

硯溪

濟南郡城西北五里有洗硯泉流為大溪曰硯溪孫氏別墅在焉嘗于土中掘得一石有趙松雪篆書二詩甚工

古人洗硯處今日尚名溪十里稻畦合孤村蓮葉

齊水鄉蝦菜足秋色鵲華低玉筍何人志莓苔拂

舊題

趙有鵲華秋色圖舒元輿有玉筍篆志

寄題鮑氏竹圃

城南鮑氏竹何似古梁園筍迸春泥出煙和曉露

翻雞啼初過雨

竹雞

鬮長共開樽

竹鬮

不厭清狂客頻

來卧竹根

許不棄畫竹歌并送之陳留

許侯筆力何雄剛五指作竹如劍鋸坡陀逶迤石

犖确勢干白日凌風霜三株桀立儼將相高冠大

珮森開張兩株意態稍奔逸煙枝雨葉相低昂乍

疑員丘中梁棟似聞解谷含宮商湖州一派久絕

跡世人惟寶夏太常許侯磊砢負竒氣平生節目

豎簷篔石林手種竹萬个興來自寫千筧管珍重

相貽比金錯寒颼五月生高堂老夫愛竹兼愛畫

忽如一葉浮清湘侯今擁傳之大梁梁園修竹煙



蒼茫七賢飲處近咫尺莫圖嵇阮遺山王

西堤

堤外春流界稻田堤邊鷗鷺淨娟娟風煙里畔千

條柳十里清陰到玉泉

海淀一名風煙里

題許有介雜畫冊五首

金陵山繞郭春望一空濛多少南朝寺逃離煙雨

中

彭蠡春茫茫艤舟落星石滿眼是廬山一笑非生

客

翠藤紅樹裏依約見柴門三十年前夢青衣江上

村

客從熊耳歸三日行懈谷滿山紅杜鵑掩映丹青

竹

栢葉養麝香麝過香滿谷機忘不畏人時來眠石

竹

為門人黃交三泰題紅蘭畫梅

清夜梁園授簡回瓊瑤初見幾枝開朱門雪後無

人跡寫得花光一樹梅

送陳子文出知石阡六首

銅柱南頭道路長江流猶接楚人鄉祇如太史浮

湘去一路看山到夜郎  
曾見揮毫侍玉除  
柏梁章句右軍書  
如今卻逐征蠻府  
誰復論詩更起予

當年彩筆賦臯蘭  
又遣題詩到錦官  
今日牂牁江上路  
相如書檄不曾難  
鷓鴣聲裏路迢迢  
兵氣初從瘴氣消  
要使夜郎知漢大  
紅苗近帶紫姜苗  
又見文翁遠剖符  
蠻荒何必減通都  
牂牁名士西京後  
猶有當時盛覽無  
自憐白首未歸田  
爾復南征望跼心  
折潞亭帆

隱處兩行衰柳數聲蟬

秋日思歸作

丘壑經心苦未還  
殘書聊用慰衰顏  
半生歸夢尊鱸裏  
晚歲藏名木鴈間  
黃鳥春啼開藥圃  
烏犍曉駕出柴關  
漁樵比舍頻來往  
忘却蛾眉舊綴班

題說巖相國午亭圖兼留別三首

大行西來龍蜿蜒  
析城王屋相鈎連  
中有岐公好泉石  
風流千古兩樊川  
紫府仙山望不遙  
何妨丘壑映蟬貂  
午亭粉本分明在  
留與他年伴午橋

魯連陂水白鷗風柳港荷塘似鏡中容我披蓑釣  
春雨果然五相一漁翁

題門人史蕉飲編修申義春泉洗藥圖

姑射仙人冰雪膚新詩傳唱滿通都極知遲暮難  
為別更展春泉洗藥圖

將歸別西軒竹

主人當去汝叢竹故依然況是將離日初逢小雪

天

帶經堂集卷六十

帶經堂集卷六十一 歙門人程哲校編

新城王士禎貽上

蠶尾續詩七 古夫于亭稿上

送謝方山歸里 追錄乙亥舊作

又送青門薄笨車挂冠神武意何如由來名士皆  
耽隱詎有佳人不讀書九日風煙對樽酒百泉流  
水遶堦除杖藜此去追禽尚長白山中有敝廬

句用雲栖禪學語  
衛水發源百泉

題方山別墅

高原臨馬頰中有謝公村芳樹春連屋清川日在

門人如古漁父

劉蛻文泉子有古漁父十篇

地即桃花源十載長安

別心期此重論

### 朱子青桐陰清畫圖

濃陰生晝寂蒼苔綠上裾過雨鳥聲樂花藥亦芬  
敷池光汎遙裔桐影涵清虛主人適無事據梧方  
晏如

### 聖輿子青邀遊漪園

以山色上樓多為韻得山字

齊州富流水碧玉爭潺湲七十二泉之二溫泉倚西郭屐笠  
時追攀入門見方塘石子擲蒲斑垂楊下婀娜幽  
禽上綿蠻文魚映碧藻得意濠濮間飛閣跨靈溪

坐見城南山微雨作膏沐露此千髻髮灤水從南  
來遶城鏘珮環足踏青瑤流目注白銀灣咫尺凌  
方壺冷然御風還

### 明日汎大明湖登水面歷下諸亭

以水木湛清華為韻得水字

已訪灤源堂更汎明湖水十年始一到白髮照清  
泚鳧鷗喜我來拍拍沙際起遙見蘆之漪已有扁  
舟艤楊柳何蕭蕭葭菼亦靡靡太息漢南樹憔悴  
今如此舟行明鏡中鳥哢屏風裏昔賢觴詠處餘  
韻留蘭蒨濟南名士多青眼望吾子日暮銅斗歌  
斷續忽盈耳懷哉坡老言煙波洗紈綺

將至謝家村寄方山郎中

屈曲清溪碧玉流  
草風莎雨暗汀洲  
謫仙老作江東客  
祇愛青山謝朓樓

送從姪遵歸梁溪三首

今從嵇姓  
名曾翼

第五名真好門臨  
第二泉溪山成久  
別松桂故依然  
歸路黃梅雨離心  
白板船遙知相憶  
處卯色五湖天

往日同袍子常思  
顧梁汾與秦對巖青山尚招隱  
白髮

好禁春舊雨皆陳  
跡晨星幾故人  
相逢如問訊垂

老作桓因

曾到青羊野愚公  
舊此家小山餘  
桂樹殘雪過梅  
花啼鳥朱門閉  
哀泉碧澗斜昔  
游如夢幻送汝一

長嗟鄒氏愚  
公谷

題謝邨果園贈方山郎中

早入甘蔗園暮過  
修竹寺三日住  
南邨足跡畏城  
市園中嘉樹林  
歲久益滋殖請  
賦角弓詩喬木  
識所自垂柳大  
十圍主人昔手  
植來禽與青李  
囊盛亦親試朱  
櫻紫花梨穠冶  
各自媚石榴本  
安西齊棗矜樂  
氏百顆驪龍珠  
遠從大宛致桃  
梅下成谿盈枝  
俄已賜賜盡也  
見內典花開步  
障圍果熟衆禽  
至日車

卻亭午陰滿蒼苔地茅亭通野色襪襪多古意緬昔虞淵簿亦入西京記因謝主林神為君補山志

娥英祠 酌突泉上

樂源通北渚當日記英皇帝子何年去靈祠幾代荒九歌怨蘭芷二水似瀟湘彷彿雲和瑟青峰寫恨長

汎湖欲訪水月禪寺不果二首

水鳥說七佛偈霜鐘轉百法華五十六年如夢阿

誰解筭河沙 予以順治庚寅居此今五十六年矣

一笑世經千劫久署亭名四休又別湖中魚鳥七

橋幾度迴頭

題蕭韓坡侍讀天台訪道圖

忽思石梁勝遙訪羽人家青燭四時飢碧桃千歲花晴天華頂鶴春日赤城霞已獲登真訣何須太乙槎

安德歸飲焦考功吉雲露園二首

露園十載約歲月壑藏舟門向青山郭橋通黃篔樓高臺石萬笏曲徑竹千頭風物清明近翛然已似秋

最愛盧鴻乙中峰舊草堂復聞王給事自畫輞川

莊金碧潭堪拾茱萸泝自芳誰言兼二妙丘壑此

中藏

昔在京師見宣和御府所藏盧鴻草堂圖上有御書又輞川圖平生曾見數本

東平陵

隴上人歌松柏桐歌聲哀怨曲難終雲臺不待劉  
文叔走馬交錢劫義公

題李西涯樂府後即倣其體

追錄康熙乙卯舊作

畏吾邨南子規啼湘江春草何萋萋生坐中書死  
不歸青門祖道誰掩涕早發一言同去耳今日之  
涕嗟晚矣泌陽城鈞陽城劇賊忠佞何分明此公  
乃得文正名太常惜不聞榮靈

濟北田家題壁

來時櫻未熟歸日麥登場處處桑榆綠村村餅餌  
香餘生醒鹿夢世路怯羊腸長夏便平高枕青奴  
一味涼

嵒華二山下作

麥已登場蠶不眠田家即事足听然迴塘淺港浮  
花鴨綠樹青林叫杜鵑袍笏久知如昨夢谿山猶  
欲了前緣過眉七尺紅藤杖伴我芒鞋幾兩穿

嵒山

眼明忽見嵒山亭十幅臨流展畫屏自是天公薄

梳掠雨餘渲出佛頭青

華不注

憶下巫山翠萬重江雲峽雨試輕容依稀三十年

前夢十二峰中見此峰

巫峰中有神女峰又名美人峰此山與之相似但不逮其高耳

題趙怡齋詩卷追悼大木

自失馮遂五見秋腹悲三度過陵州山川不遣英  
靈盡又見清吟趙倚樓

雪後即事

北風凍雪壓茅茨夢覺南榮日上遲紙帳清香添  
睡鴨地爐活火熱蹲鴟屐穿徑竹橫斜處耳倦簷

冰滴瀝時等是殘年好風景十年京雒不曾知

幔亭弟登蓬萊閣歸賦贈

千仞蓬萊閣罡風挾羽翰青天紛島嶼滄海一波  
瀾釣客逢龍伯歸帆識馬韓齊州煙九點竒絕雪  
中看

將以春遊柳菴東蕭亭

西峰有禪窟近說住僧稀浩劫紅樓在餘生白首  
歸河邊拋寶屐樹底挂珍衣輞口同攜手春山白  
鷺飛

寄吳寶厓二首



競說仙人萼綠華  
紫金跳脫降羊家  
苧蘿溪上春無主  
一代紅顏獨浣紗

紫陌紛紛看牡丹  
車如流水從去聲金鞍  
那知冰雪西溪路  
猶有梅花耐歲寒

題夫子草堂

子仲逃名處  
夫子有舊亭  
礬頭山簇簇  
魚子水泠泠  
高枕蓮花漏  
焚香貝葉經  
衰遲返初服  
爲謝草堂靈

樊陵鄆城人  
明侍郎敬尚書  
繼祖之裔孫  
善琴尤以琵琶  
擅名所彈率與  
時異戊寅在

京師大宗伯涓來兄攜以過予云陵欲得一詩久今且往閩中特來取別爲坐彈出塞等數曲後八年舍弟幔亭遇之蓬萊閣復申前請爲賦五絕句

尚書門第道人裝  
未遣曹剛遠擅場  
記得長安秋日午  
坐中雲水似瀟湘

梨園弟子各矜能  
賀老琵琶獨擅稱  
但說段師無敵手  
那知絕調有樊陵

扶蘇城上月如鈎  
彈作征人出塞愁  
忽聽涼蛩和哀雁  
一時心折漢宮秋

二七十三  
苦竹黃蘆滿目愁嘈嘈切切似江州茫茫九派多  
風雪憶泊潯陽舊酒樓  
萬古希聲託杳冥水仙遺操感湘靈刺船一去無  
消息又向蓬萊閣上聽  
日下方山送酒  
歲晏柴門閉開門到酒車迢迢廣川路珍重謝公  
書冰雪交情見浮雲世態如黃壚今在否懷舊一  
愁予

盆梅

鄧侯昔約扁舟去正及花時三日住春雨廉纖不

放晴翠羽明珠幾千樹吾衰卧疾掩蓬門祇有梅  
花役夢魂牕前昨夜一花發夢到漁洋風雪村

梅花二絕句

暗香初動向南枝夢覺參橫月落時擔上春風競  
桃李真香熏骨幾人知

一樹冰姿正着花紅牕影裏月橫斜依稀枕上游  
仙夢萼綠華堂萼綠華

見梅寄蕭亭山中二首

老人峰下北山坳幾點梅花映斷橋應有幽人曳  
藜杖谿流清淺雪蕭蕭

暖日浮牕似凍蠅隨緣粥飯百無能雪谿詩思何  
人領寄語梅花樹下僧

山谷詩昔時愛菊陶彭澤今作梅花樹下僧

舟次

追錄順治辛丑舊作

野鴨鳴漁村霜清知天曉推篷一騁望湖氣何渺  
宵煙寒遠樹稀水闊沙洲小昨泊秦郵城明及安  
宜道搔首汜湖陰漁樵可終老

題善慶菴泚亭壁

故相孫文定公別業主僧八十餘坐脫

西郊古蘭若云是舊平泉曾過雙林寺來參一味  
禪溪流功德水僧返淨居天俯仰如賢劫經行獨  
惘然

題幔亭石橋別業王謝堂

不是烏衣舊茅堂燕亦棲呢喃記春社辛苦啄香  
泥夕照穿花見微風掠水低倉琅木門道歸路未  
終迷

趙氏澗園二首

二水當門合巘巘一徑幽東溪既圓折西澗復方  
流雪瀑穿松竹春沙矯鷺鷗右丞傳小簇彷彿輞  
川遊

可亭最高處山水各清音響出頻迦鳥香傳蒼蘆  
林偶來臨水坐已似入山深明月東峰吐為君張

玉琴

贈蕭亭

卜鄰魚子水近接石羊山老去慚招隱歸來共閉  
關鱸蓴吾計得魚麥此生閑寫作屏風樣睢陽洛  
社間

淄川偶懷道楷禪師

晨過古淄州忽憶芙蓉楷不屑紫衣僧甘心蹈東  
海鐵鋸和三臺洞上宗風在無忝大陽孫斯人邈  
千載

輓吳天章

生入甘露門死為甘露滅豈况無生忍不生亦不  
滅子昔事禪悅兼復慕游仙門前玉女峰上有十  
丈蓮下界六十年逢場暫游戲來去衆香國終然  
飽禪味不屑海山住應歸兜率天下視大火聚蟻  
蠟爭撲緣已空文字障靜閱莊嚴劫何事勞結集  
猶煩大迦葉

輓洪昉思

送爾前溪去栖遲歲月多菟裘終未卜魚腹恨如  
何采隱懷茗雪招魂弔汨羅新詞傳樂部猶聽雪

兒歌

昉思工詞曲所製長  
生殿傳奇刻初成

范文正公祠

慶曆多君子吾思范履霜楓林對秋谷泉水遶空  
堂朋黨千秋論平生一瓣香徘徊薦蘋藻斜日下  
松篁

雪中試鄭宅茶

莆產最佳李質君中丞寄

曉色凍啼鴉柴門靜不譁散齋逢小雪病渴仰真  
茶紅火開鑪日黃梅拂檻花鳳團天上賜無復夢

東華

第四句用晉人帖語

畫眉

壚頭學得卓家眉蜀道啼春和子規長憶閬州三

月暮嘉陵江暗雨來時

鸚鵡二首

味帶紅芳映綠衣雕籠長閉與心違誰知夜夜金  
鋪裏夢向秦雲隴樹飛

香山蠓鏡紅鸚鵡洋舸來從萬里遙曾向珠江蕭  
寺見一林花雨對紅蕉

得陳子文湖口寄書述游石鐘山之興因以

寄懷

平生廬岳興先寄石鐘山搔首青天外題詩白浪  
間書來彭蠡口人去落星灣再有黔陽信瀟湘北

雁還

得子文黔中信

君窮五尺道萬里遠浮湘蘭杜清秋晚風煙楚國  
長行人問銅鼓回雁阻衡陽司馬題橋日山川古  
夜郎

山雞

羽毛綵繚錦文齊愛啄林花飲舊谿不羨開元擅  
恩寵紅羅纏項鬪回雞

彈琴

三峽流泉指下迴胎仙三疊舞毳毼阿瞞意氣雄

豪甚別喚花奴羯鼓來

說劍

虎氣方騰太乙爐王僚魄已奪靈胥水行雲夢三  
千里卻使荆王得湛盧

蠟梅四絕句

宮黃塗額映香雲甲煎

去聲

初濃著意薰疑是智瓊

歸洛去至今留得鬱金裙

羞言千媚在中央林下風期謝女妝紙帳一枝伴  
清絕麝臍香染蜜脾黃

昆彌小鳥淡黃襟也得承恩宿上林要遣寒葩鬪

風雪枝頭常吐辟寒金

旃檀熱處香熏骨冰雪開時玉鍊顏坐對真成被  
花惱額黃無限夕陽山

再題蠟梅一絕句

蠟梅初名黃梅  
蘇黃始改今名

索共江梅一笑譁點酥融蠟幾枝斜自從月旦經  
坡谷祇合呼名元祐花

初春濟南作

追錄順治  
乙未舊作

山郡逢春復乍晴陂塘分出幾泉清郭邊萬戶皆  
臨水雪後千峰半入城

金天行讀開天傳信記作

我聞開元天子昔封禪道旁伏謁金天王名山顯  
位奠雍土至今碑版猶焜煌漁陽鞀鼓一聲動潼  
關突騎紛騰驤驪山烽火未及舉延秋夜啓何倉  
皇五家錦繡照天地化為燐火填陳倉此時岳神  
在何許不聞扈蹕來梁洋能捍大患禮有祀五岳  
望秩殊封疆少昊所都應并鬼一朝惛伏眠如羊  
神道設教亦兒戲或關人事有否臧君不見天寶  
已事何披猖不須誚讓金天王

冬夜聽搗鼓二絕句

康熙壬子余舟下三峽時陳忠愍公  
福鎮夔門高晏白帝城伐鼓大合樂

江水皆沸余詩所謂朱鷺  
軍中樂青楓渡口杯是也

休擊落梅三弄笛且拋穰李四條絃當筵快意金剛舞羯鼓轟雷酒似泉

白帝城高雲雨開軍中合樂鼓如雷將軍劍舞秋

風裏十丈驚濤濫瀕堆唐襄將軍旻劍舞為開元三絕之一

龐居士湖二首新城北錦秋湖西居士沉金於此

三策功成已沼吳更將餘事作陶朱偶來居士沈

金渚羞煞鷓鴣夷汎五湖

漢陰曾卜德公鄰口吸西江話又新復見沈金東

海上三生好覓姓龐人

封丘覽古詩贈岳都諫鎮九同年都諫知封丘初修高常侍祠

碑標黃池青陵臺余為賦之偶遺蟲字一題今補作

天王馮玉几諸侯急盟誓春秋書蟲牢所以明大

義九國既煙消兩周亦颺逝舊壘狐兔鄰驚蓬起

寒吹

雜題近人諸傳奇後五首

漳南百戰畏重瞳玉玦三提失沛公千載楚江秋

色裏寒山如嘯哭英雄霸亭秋杜默弔項王事

鄴中餘子一醢雞薦禰高風孰與齊快意漁陽三

弄罷墓門無魄署征西漁陽三弄禰衡事

巾幗兜鍪事亦奇織兒那許辨雄雌買絲繡作荀



崧女同配高涼錦繡祠

雌木蘭從軍事 織去聲

牛羊日曆凜陽秋不洗平泉草木愁曾向籌邊樓

上望維州不見見崖州

籌邊樓李衛公事

虛聞劍術可通神河北淮西僭亂頻雲棧茫茫斷

消息欲將匕首向何人

黑白衛冪隱娘事

二月十四日夜雷雨

是日驚蟄

今年春應令驚蟄早聞雷魑魅中宵避蛟龍大壑

來陰陽乍相薄甲坼已全開不寐聆天鼓軒轅亦

壯哉

池上

料峭西風日又斜江鴻海燕各天涯小池清淺游

魚少猶見紫薇三兩花

徐虹亭太史寫垂虹秋色見寄報謝

玉堂遷客去江東十載相思一雁通想見秋風吹

震澤鱸魚香裏寫垂虹

寄題虹亭松風亭

江城如畫具區東小結茅茨著退翁多少朱門苦

炎熱勞君五月賣松風

題呂紀柳塘戲鵝三首

新柳絲絲絮未飛清流如雪浴毛衣乍疑初寫黃

庭罷籠取鷺羣日暮歸  
短短茴香映綠莎雙雙紅掌蘸清波相呼擇乳金  
塘暖不比桓家教鬪鷺  
誰圖舒雁柳塘風呂紀丹青奪化工陽羨書生休  
作劇人間何事不鷺籠

爲成周卜題洗竹圖二首

曾汎長沙萬里船離離斑竹雜湘煙鷓鴣啼處風  
吹雨憶泊黃陵古廟前  
蕭瑟寒塘但竹枝長橋屈曲帶漣漪持竿不是因  
魴鯉要斫青光寫楚辭

題蔣靜山仙館吹笙圖二首

神人姑射本仙姿曾見霓裳按舞時一夕青冥風

露冷銀河吹徹玉參差

樂府雜錄笙亦名參差

身是玉皇香案吏燒丹煉汞已多年何如徑訪浮  
丘去一學吹笙便得仙

七夕賦得緱嶺吹笙

吾家王子好吹笙七夕緱山來下迎仙路一昇白  
鶴馭人間常識鳳皇鳴迢迢碧漢垂清洛渺渺丹  
霞接赤城縹緲餘音猶未絕月華三十六峰生

題李衛公一品集

三五九  
相業元和與會昌武皇三劍有輝光太牢未付庖  
丁手悔坐中書食萬羊

雪中盆蘭又作數花賦之

素姿不屑浣鉛華來自西江道路賒冉冉幽香拂  
簾額紛紛急雪落檐牙六花已入梁園賦九畹還  
從楚客誇猶有東籬一叢菊歲寒相伴在陶家

秋日安宜舟中作

追改舊作

水鴉閑夕陽漁罾挂汀樹秋氣感人懷况近陳琳  
墓

楊村舟中戲題

追錄順治  
乙未舊作

河口花明錦纜春  
砑繚綾子領邊巾不知何事牽  
儂意欲疊紅箋賦洛神

題文點畫

清風乍拂林明泉初映麓白雲亦無心來伴幽人  
宿

金釵澗竹枝

女兒十五鬢堆鴉不解蠶桑與績麻朝逐江鷗暮  
沙雁金釵澗上是儂家

趙北口題旅壁

追錄乙  
巳舊作

趙北燕南水四圍此中避世可忘機離離芡實迎

秋熟拍拍鷗羣接翅飛漁舍半連黃篾舫釣人相  
映綠簑衣淮南小別成千里魚稻珠湖願已違

少孤金埴聞上皇景宗

文只十五言此詩不稱鷗桑與鷺林障登玉龜暮

帶經堂集卷六十一

青風半帶林即泉味如蘇白雲亦無心來料幽人

賦文無畫

鄭意浴壘瑤琴組谷軒

山口芬陽雜覽春阿蘇子齡數中不味何事率

淚  
架四

